

金史 卷五十

7 2455/17


卅七 12

380

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 20 1932

ChL 2455.17



Harvard College Library Imaging Services <http://imaging.harvard.edu>

明刑部員外郎

和弘齋舒經邦學



皇清翰林院侍講學士四世孫遠平校閱

附載 回紇

特健俟斤

子善

吐迷度

子婆聞孫編文解伏帝詔亦宗

骨力裴羅

子磨

移地健

頓莫賀

子多

阿斲

骨備勝騰里野

保義

德昭

馬馱

黠戛斯

烏介

遜斯

五代王仁美

宋夜落紇等

回紇藥羅葛氏自隋以前備載文獻通考唐初有特健俟斤者

衆推爲君長妻烏羅渾性嚴明能平決部事子菩薩材勇有謀

善籌策戰必身先所向摧破故下皆畏附由是寔盛與薛延陀

共攻突厥引騎五千破頡利十萬衆于馬鬣山追至天山大俘

其人聲震北方遂附延陀相唇齒號活頡利發樹牙獨樂水上

貞觀三年始來朔獻方物突厥已亡此為最雄菩薩死而其將
胡祿俟利發吐迷度與諸部攻殘延陀并有其地二十年遣使
入貢并鐵勒等十一部皆獻款太宗宴之內殿駕幸靈州次涇
陽受其降引見渠長等凡數千人置都督府六瀚海即回紇部
燕然即多覽葛部金徽即僕骨部幽陵即拔野古部龜林即同
羅部廬山即思結部州七以渾為臯蘭州斛薛為高闕州阿跌
為雞田州契苾羽為榆溪州奚結為雞鹿州阿布思為歸林州
白雲為真顏州其西北結骨部為堅昆府北骨利幹為元闕州
東北徧羅勃為燭龍州皆以將領為都督刺史長史司馬即故
單于臺置燕然都護府以紇之拜吐迷度懷化大將軍瀚海都
督時已自稱可汗置官吏一如突厥有外宰相六內宰相三并
都督將軍司馬之號帝更詔特健俟斤他部為祁連州隸靈州

都督白霫他部為居延州二十一年兄子烏紇蒸其妻與瀚海

都督俱羅勃謀亂劫殺吐迷度燕然副都護元禮臣復給殺烏

紇帝恐諸部解散命兵部尚書崔敦禮持節臨撫贈吐迷度左

衛大將軍擢其子婆閏左驍衛大將軍龔父所領俱羅勃入朝

帝留不遣詔回紇屬西突厥阿史那賀魯因不肯從改領燕然

都督府永徽二年以騎五萬助契苾何力等破賀魯復北廷顯

慶初又從任雅相等再破賀魯金牙山追至耶羅川盡收所據

地遷右衛大將軍從討高麗皆有功龍朔中婆閏死妹比栗毒

主領眾與同羅僕固犯邊高宗命鄭仁泰討平僕固等比栗毒

敗走因以鐵勒部為天山縣至永隆中子獨解支嗣時突厥默

婁方強取鐵勒故地因與契苾思結渾三部度磧徙甘涼間唐

常取其壯騎佐赤水軍既死其子伏帝嗣立助唐攻殺默婁別

部移健頡利發與同羅翳等皆來朝詔置其部於大武軍北遂
 死其子承宗立涼州都督王君奭誣暴其罪流死濱州族子瀚
 海麻訶馬護輸乘衆怨共殺君奭梗絕安西諸國朝貢久之奔
 突厥死至天寶初子骨力裴羅立會突厥亂與葛邏祿自稱左
 右葉護助拔悉密擊走烏蕪可汗後三年復襲破拔悉密斬跌
 伊施可汗遣使自稱骨咄祿毗伽闕可汗詔封為奉義王南宕
 突厥故地徙牙烏德健山昆河之間南距西城千七百里即漢
 高彌塞北盡積石三百里悉有九姓地九姓者藥羅葛即回紇
 胡咄葛咄羅勿貊歌息訖阿勿啻葛薩斛鹽素藥勿葛奚邪勿
 與僕骨渾拔野古回羅思結契苾六種相等部不列於數後破
 有拔悉密葛邏祿總十一姓並置都督馳一部落自是戰常
 以二客部為先鋒遣使者資冊拜為骨咄祿毗伽闕懷仁可汗

年又攻殺突厥汗斥地愈廣東極室韋西抵金山南
 控大漠盡得古匈奴地遣頡咥羅達干來上功加左驍衛員外
 大將軍未幾死其子磨延啜立號葛勒可汗剽悍善用兵歲遣
 使人請于肅宗助討祿山詔燉煌郡王承案往約可汗喜之以
 可敦妹為女結婚承案帝欲固其心冊封為毗伽公主俄進王
 妃因召兵即自將與郭子儀合破回羅諸番于河上帝在彭原
 遇之甚厚至德二載遣大將軍多覽等及大子葉護將四千騎
 來封承案亦為葉護給四節令與太子其將惟帝所命廣平王
 見之約為昆弟葉護大喜使首領達干等先到扶風見子儀犒
 飲三日賜牛五十角羊八百蹄米四十斛香積之戰陣于灃上
 賊詭伏騎於左將襲王師僕固懷恩麾使馳之盡翦其伏仍超
 出賊背與李嗣業夾擊之賊遂大敗進收長安懷恩後率其眾

南壁滻東進次陝西賊新店初至曲沃使將軍鼻旋土撥裴羅
旁竄出谷中東出搜賊有伏者悉殲之營于山陰望見子儀等
軍亂而卻卽踰西嶺曳旗趨賊飛矢出其後賊反顧皆大驚潰
追奔數十里人馬騰蹂死者不可計收仗械如丘姦入導之大
掠東都三日府庫窮殫廣平王欲止不可耆老賂以繒錦萬疋
始止不剽還京帝遣羣臣勞之長樂入朝前殿召升階席將領
於下賜宴并錦繡繒器葉護頓首願留兵沙苑臣歸料馬以收
范陽除殘盜帝勞曰爲朕竭義勇成大事卿等力也詔進司空
爵忠義王歲給絹二萬疋俄以罪先死乾元初遣使者多珍阿
波來請婚與黑衣大食將闔之等俱朝爭長有司使異國進
許以幼女寧國公主下嫁詔漢中郡王瑀攝御史大夫持節冊
命爲英武威遠毗伽可汗副以右司郎中兼御史中丞奕爲禮

會使僕射裴冕送之帝幸咸陽餞公主數慰勉主泣辭國方多
難死且不恨瑪至可汗衣赭袍坐帳中引瑀立帳外問天子何
屬答曰從昆弟始引入不拜瑪言天子顧盼有功以愛女結好
可汗當以婿禮見安可踞而受詔可汗慚乃起拜受冊翌日尊
主爲可敦盡以所資賜物分其麾下將領還日獻馬五百疋并
貂裘白氍等遣王子骨曠特勒宰相帝德等率騎三千助討賊
又遣大首領蓋將軍與三女子謝婚并告破堅昆功明年共九
節度戰相州奔還京師帝厚賜慰諭遣還自後益負功每納一
馬取直四十緡歲求售數萬使者相躡皆駘弱不堪帝厚賜欲
以愧之不知也俄而可汗死國人欲以主殉墓主不可惟從其
俗務面而哭以無子得還獨留所從榮王女爲可敦號少寧國
其次子移地健立號牟羽可汗其妻僕固懷恩女立爲可敦寶

應元年八月史朝義給以唐國有喪無主且亂請入收府庫可
汗即引兵南代宗復遣中人劉清潭往結好且發其兵為言先
帝雖棄天下廣平王已即天子位故與葉護收二京破安慶緒
其仁聖英武類先帝且與可汗素厚時兵已踰三城見州縣榛
蕪烽障無守有輕唐意數以語凌清潭還密白帝為之震驚遣
殿中監藥子昂迎勞且視軍遇于太原始號十萬密識之裁四
千孱弱萬餘與可敦偕來帝令懷恩往會聲言助天子討賊詔
拜雍王天下兵馬元帥子昂兼御史中丞與右羽林衛將軍魏
瑊為左右廂兵馬使中書舍人韋少華為判官中丞李道暉
司馬時可汗壁陝州北王往見之責以何不蹈舞子昂言
皇孫兩宮在殯不可行此禮詰以可汗唐天子弟於王叔父行
容有不蹈舞乎子昂固拒今為元帥他日將主蕃漢蹈舞不

汗怒即引子昂等四人榜之百瑊與少華皆死王遣高官軍
忿恚將合誅回紇王以賊未滅止之贈少華左散騎常侍瑊揚
州大都督賜一子六品官時懷恩并左殺為先驅與諸將同戰
橫水賊敗走進收東都放兵劫掠人皆遁保聖善白馬二浮屠
怒而火之殺萬餘人使拔賀那入朝并獻獲朝義旗物留屯河
陽三月人困剽劫再同僕固瑒戰朝義蹙血二千里河北悉
平詔遣王翊就其牙冊號為登里頡頏登密施舍俱錄英義建
功毘伽可汗婆墨光親麗華毘伽可敦頡頏譯言社稷法用登
密施譯言封竟舍俱錄
譯言婁羅毘伽譯言足
意智婆墨譯言得憐下至宰相共賜實戶二萬封左殺雄朔
王右殺寧朔王胡祿都督金河王拔攬將軍靜漠王十都督皆
國公懷恩道相州送可汗出澤潞由太原歸途益橫詭折官吏
夜以兵斫舍光門入鴻臚寺朔方軍乘之肆為暴虐汝鄭間戶

悉無完永泰初懷恩誘使入寇與吐蕃爭長其首領潛詣涇陽見郭子儀因率麾下叩其營子儀易服釋甲出旗門下馬見之渠長相顧而拜衆數千分左右翼被甲環視俄子儀部下李光進路嗣恭亦至麾下左右令郤命酒與飲遺以纒頭綵三千召可汗弟合胡祿都督藥羅葛等執手讓曰上念回紇功厚相報遺何負而來我今挺身獨入爾營任汝殺我吾將士必能擊汝其渠長皆讐服云懷恩負心我一時聽信詭辭今咸不然我等願還擊吐蕃以報厚恩然懷恩子乃可敦之弟願赦其死於是相持請盟咀言唐天子萬歲回紇可汗亦萬歲二國將相如之設有負約身死行陣家遭屠戮國相磨滅莫賀達干等皆喜言初來時坐言此行大安穩不與唐家兵馬鬪見一大人卽歸今果然乃分纒頭以賞巫師請諸將同擊吐蕃會大雪吐蕃方閉營

撤備遂大勝獲蕃相護地毘伽將軍梅錄一百人皆來朝上賜宴延英殿錫賚不可計大曆三年可敦卒遣使弔祭明年詔續其婚卽以懷恩幼女爲崇徽公主嫁之冊拜可敦賜繒綵二萬時財用大屈稅公卿羸馬橐駝以給行裝宰相餞中渭橋其徒留京師者市掠女子引騎犯皇城門皆盡閉詔清潭慰止復出暴市物奪長安令郤說馬不敢呵詰十年又以萬馬來售殺人橫道京尹黎幹捕之詔貸勿劾都人厭苦帝不忍重煩爲賞帛六千德宗立使中人告喪且修好時九姓種勸其人寇衆怒其挾私貨殖厚產大將頭莫賀達干諫曰唐大國且無負于我前年入太原獲羊馬數萬以道遠艱阻比及國傷耗畧盡今若舉而不克將安歸乎不聽因衆怒擊殺可汗并圖親信黨與及國人二千頭莫賀自立爲合骨咄祿毗伽可汗遣渠長從使者入

朝建中元年詔京兆少尹源休持節冊爲武義成功可汗羣種聞之懼不敢歸反獻計軍使張光晟言回紇非素彊賴九姓助之爾今其國亂兵互相加宜乘此時立功誅之會可汗諸父突董翳密施大小梅錄等還國裝橐係道皆藏中國女子光晟陰伺得之乃使裨校陽爲不禮突董果怒鞭之光晟因勒兵盡殺羣黨收駝馬數千緡錦十萬并女子俱送長安遣中人與使者達于往言回紇扶大將謀取振武謹先誅之休俟命太原明年始行因歸突董等四喪旣至可汗令大臣具車馬出迎其大相頡干迦斯踞坐責殺突董事休言彼自與光晟鬪死非天子命大相曰何不假手令我自殺幽之五旬幾死卒不得見可汗令傳語曰國人皆欲殺爾我謂突董等已亡今若以血灌爾徒汗無益不如以水灌也其爲吾言有司所負馬首一日八十萬

可速償我遣散支將軍康赤心等隨休來朝帝隱忍賜以金緡貞元三年仍遣使獻方物表請和親帝始以陝州故憾欲與絕語宰相李泌方天下多難和親待子孫嗣之泌曰曩事乃牟羽可汗今可汗知陛下卽位故殺之遣使來告垂髮不翦待天子命雖幽使人然卒完歸則已無罪帝曰卿言則然顧朕不可負少華等泌曰臣謂陛下不負少華少華乃負陛下且回紇君長挺身赴難陛下在藩春秋未壯計當先定會見之禮奈何子身輕意渡河冒進豺虎之場臣昔爲先帝行軍司馬方葉護來使宴之於府及議征討不許臣見葉護邀臣至營亦不許好謂曰主當勞客客反勞主耶及約收東京土地人民歸我玉帛子女予回紇葉護乃欲大掠先帝下馬拜之以全京城顧今不拜可汗固伸威於彼何恨焉藉令少華等見可汗時閉壁五日縱與

陛下張飲天下豈不寒心哉。而天助威神使彼馴服可汗之母以貂裘捧陛下叱左右促命騎躬送出營至今銘石國門曰唐使來當使知我前後之功今來請和必舉部南望陛下不答其怨必深願聽其婚而用開元故事如突厥可汗稱臣約和帝善其言詔以咸安公主下嫁報請如約遣合闐達干見主於麟德殿使中謁者齎主畫圖以賜明年遣蕃相跌跌都督等衆千餘并妹骨咄祿毗伽公主率大將之妻五十同來親迎且納聘帝御延喜門見之上書恭甚言昔爲兄弟今乃半子請以兵除西蕃之患及易號曰回鶻言捷鷲也帝欲饗公主尚禮於泌對曰肅宗當艱虞時視燉煌王爲從祖兄妻回鶻女方藉其用猶以臣之但呼曰婦而不名爲嫂况今日乎詔乃引主入銀臺門長公主三人候諸內譯史傳導拜必答帝御秘殿長公主先入侍主

入拜謁已內司賓導至長公主所乃與俱入至宴所賢妃降階候主拜妃答拜由西階升乃坐帝右賜則降拜餘則避席拜妃公主皆答拜訖歸凡再饗設置咸安公主官屬如諸王府以嗣滕王湛然爲婚禮使右僕射關播護送且將冊書拜可汗爲汨咄祿長壽天親毗伽可汗公主爲智慧端正長壽孝順可教出故時少寧國公主於外已歷事英武英義二可汗遂殺之五年可汗死其子多邏斯立國人號呼爲特勒遣鴻臚卿郭鋒持節冊爲忠貞可汗妻懷恩女孫父爲回鶻葉護故女號葉公主自天寶末安西北廷阻絕朝貢咸假道回鶻因其求取無厭沙陀別部六千帳與素拉回鶻葛祿回鶻突厥皆怨苦之因附吐蕃共寇北廷頡于迦斯與戰不勝北廷陷死者大半回鶻大恐六年移其部落南避時可敦年少其弟毒殺可汗而自立大臣與

國人共殺之乃立忠貞幼子阿駁遣達特勒梅錄將軍來告且
聽命詔鴻臚少卿庾錠冊為奉誠可汗俄以律支達干來告少
寧國公主之喪七年八月回鶻火攻吐蕃葛祿於北廷勝之遣
殺支將軍獻俘明年唐人呂吳來朝貢可汗養為子遂從其姓
帝以其用事賜資殊優拜檢校右僕射十一年奉誠死無子而
國人立其相骨咄祿為可汗本跌跌氏少孤為大首領所養為
人辯敏材武當天親時數主兵諸將尊畏自以藥羅葛世有功
不敢名其俗而盡取可汗子孫內之朝廷詔秘書監張薦為節
冊拜為懷信可汗永貞元年死詔鴻臚少卿孫果臨弔因冊所
嗣為勝里野舍俱錄可汗元和初再朝獻嘗與摩尼共圖其法
飲水不如葷屏灌酪日晏後食及至京師歲往來西市頗與商
賈裴橐為姦三年來告咸安公主喪主歷四可汗居凡三十三

無幾可汗亦死四年又遣宗正少卿李孝誠冊所嗣為保義
可汗請改國號迴紇義取迴旋輕捷如紇也閱三歲使者再朝請婚未報

以三千騎至鵠鵝泉朝命迴紇盛強北邊空虛令以兵屯振武
之黑山治天德城脩壁壘以備之李絳奏言臣觀今日處置未
得其要所憂邊鄙有五一迴紇進馬規直再歲不至豈誠却利
厭慾殆欲風高馬肥外肆侵軼二兵力未完斥候未明戈甲未
備城池未固飾天德則彼必疑虛增西城則磧道無倚三城堡
要害攻守險易當謀之邊將今乃規我廟堂之上下制河塞彼
猝有犯應接失便四凡寇掠調發諸州在旬朔外而係累人畜
在旦夕內比王師至彼已遁歸設若久留役恐轉廣五吐蕃迴
紇遇自相攻我可無虞若令解仇結約立見拱手受禍臣謂宜
聽其婚使守藩禮亦有三利其一烽燧不驚城堞可治盛兵以

畜力積粟以固軍。二淮右垂盡之寇，既無北顧憂，可專力南事。三北既親於我，西怨益深，內不得寧，國受其安。今舍三利，取五憂，甚非計。時方討吳少陽，帝以有司度費五百萬，不用其言。遣摩尼所信奉者往諭穆宗，立許以婚，而可汗死，因冊立其嗣。爲崇德可汗，遣都督思結等同葉護公主來，逆女部渠二千人，納馬二萬，橐駝千，詔許五百人，至長安，餘留太原。以憲宗女太和公主下降，命金吾將軍胡証、光祿卿李憲持節護送。太府卿李說爲婚禮，使冊主爲仁孝端麗，明智上壽。可敦告于廟，天子餞通化門，羣臣班辭于道。旣出塞，距牙百里，回紇使欲如咸安，故事與主由間道入，以証不可而止。至日，可汗升樓，東向坐下，設毳幔，以居。公主一姆侍出，西向拜，已退，卽次。被可敦服，絳通裙，大襦，金冠，前後如角，而銳，復出拜，已乃升。曲輿九相分負，右旋。

于延者九降輿，升樓與可汗聯坐，東向羣臣。以次謁，可敦亦起。延牙以二相出入帳中，証等歸，可敦大宴，悲啼，簪慕可汗厚贈。使者遣部將李義節率兵三千佐裴度，以伐幽鎮兵及豐州。厚賜乃還。敬宗卽位，其年可汗死，弟曷薩特勒立。遣使者冊爲昭禮可汗，賜幣十二車。文宗初，又賜馬直絹五十萬。太和六年，爲其下所殺。其從子胡特勒立。使者來告，冊爲彰信可汗。開成四年，其相掘羅勿以前殺宰相安允合特勒，柴草致怨，遂作難。可汗自殺，而國人立廬駮特勒。方歲饑，疫又大，雪，羊馬多死，未及命，而武宗立。以嗣澤王溶臨告，俄爲渠長，旬錄莫質與黠曼斯合騎十萬，攻其城，殺特勒，誅掘羅勿。其相駮職擁外甥龐特勒及男鹿弁、遏粉等兄弟五人，一十五部奔葛邏祿，殘衆潰入吐蕃。安西其近牙十三姓部族奉烏介特勒爲可汗，南保錯子山。

點憂斯自稱李陵之後與國同姓送太和公主至塞上烏介劫之南度大磧至天德界遣使來言烏介已立請授朝命大臣顏干伽思等又請假振武居公主可汗帝不許明年奉主至漠南入雲朔王子溫沒斯與宰相朱邪赤心部帳七千剽橫水殺掠甚衆特勒那頡斡收赤心衆東走因室韋黑沙南闕幽州爲張仲武所破悉得其衆烏介執那頡斡殺之時兵尚彊號十萬駐牙大同北閣門山會昌三年溫沒斯阿歷支習勿斡三部詣振武降詔拜沒斯右金衛大將軍爵爲王賜姓名李思忠阿歷支習勿斡烏羅思並爲冠軍大將軍愛邪勿右領軍大將軍爵皆爲公賜姓名李思貞思義思禮弘順仍給牙旗豹尾刀器衛物頒其屬冠帶詔宰相李德裕采秦漢以來殊俗忠效卓異者凡三十人爲異域歸忠傳以寵之沒斯請留族大原率昆弟爲邊

不無帝命劉沔列處雲朔間可汗遣使者藉兵欲還故廷具儀天德城帝又不許因恚忿進畧大同川轉戰雲州諸將固壁不出出詔益發兵屯太原以北拜劉沔南面招討使命刺史銀州何清朝蔚州契苾通出蕃渾兵與沔仲武合逼迴紇思忠數深入諭降其下弘順進次雲州思忠屯保大柵沔益以河中陳許騎五百塵戰敗之明年又爲弘順所破烏介方薄振武沔與石雄夜出追北迎還公主降特勒以下衆凡數萬盡收輜帑及所賜詔書其餘衆數千往依黑車子困於饑寒不能爲軍請幽州降詔弘順等窮躡募殺烏介者厚賂以利黑車子幸其殘殺之金山詔德裕紀功銘石于幽州以夸後世迴紇旣亡思忠等皆願入朝擢左監門衛上將軍兼撫王傳賜第永樂坊罷所置歸義軍分其兵賜諸節度餘衆憚之仍據滹沱河以叛沔復坑殺

三千人詔回鶻營功德使在二京者悉冠帶之有司收摩尼書
燒于道產費入官其部下又奏其弟遇捨特勒爲可汗哀殘部
五千仰食於奚大將碩舍朗大中初仲武復討破之所存名王
貴臣五百餘轉依室韋分其餘衆別爲七姓室韋各占其一邊
捨懼仲武馮致挾妻葛祿子特勒壽斯夜委衆馳九騎西走部
人追奔不及皆慟哭點戛斯怒與其相阿播將兵七萬擊室韋
悉收迴紇還積北遺帳伏山林間狙盜自給稍歸龐特勒自
稱可汗居甘州有積西諸城宣宗務綏遠遣使告抵靈州省其
渠長因遣人隨使者來朝冊爲懷建可汗後十餘年一再獻方
物懿宗時大將僕固俊擊斬吐蕃尚恐熱盡取西州輪臺等城
使送千米懷玉來朝獻俘因請詔命其後土室亂朝貢不常昭
宗幸鳳翔請率兵赴難靈州節度韓遜表國學士韓偓議舊爲

河雅白會同時同邊羽翼未成不得逞今乘我危不可開其翼
幸遠格不報五代之際甘州回鶻數至不見其君長名號梁乾
化元年遣都督周易言等來拜以官爵遣左監門衛上將軍楊
召押領還蕃至唐莊宗時王仁美來貢玉馬自稱權知可汗遣
司農卿鄭續持節冊爲英義可汗卒其弟狄銀立遣都督安于
想等來同光四年狄銀卒阿咄欲立史冊無聞天成二年權知
國事王仁裕遣李阿山等來朝明宗冊爲順化可汗晉高祖改
奉化可汗終五代世常來朝貢卒子景瓊立其地多出玉禁民
私市有犯輒罪周太祖除其禁價賤反倍顯德中來獻世宗以
爲無益却之宋建隆二年景瓊仍來朝獻三年遣阿都督等四
十二人來貢方物乾德三年貢玉并琥珀犀牛尾貂鼠等三年
遣使趙黨誓等四十七人貢團玉琥珀紅白犀牛尾開寶中卒

相鞠仙越亦貢馬時甘州有可汗王西州有克韓王新復州有
黑韓王名大抵訛皆迴紇西奔時族種散處太平興國二年冬
遣殿直張殫齎詔諭甘沙州回鶻可汗賜以器幣招致名馬美
玉以備車騎琮璜之用五年可汗夜落紇密禮遇遣使裴溢的
等四人獻橐駝名馬珊瑚琥珀四年合羅州回鶻第四族首領
遣使朝貢端拱二年九月回鶻都督石仁政言麼囉王子邈擊
王子越黜黃水州巡檢四族並居賀蘭山下無所統屬諸部入
貢多由其地自爲靈州馮暉阻絕不通貢奉乃令有內附意各
賜以錦袍銀帶咸平四年可汗王祿勝遣樞密使曹萬通貢玉
勒名馬獨峯無峯橐駝寶鐵劍甲琉璃器等自言本國甲馬甚
精願朝廷命使統領當縛李繼遷以獻品優賜祿勝器服特授
萬通左神武大將軍諭以賊遷凶悖當就覆滅之意更不遣使

一切委卿統制景德元年夜落紇遣使來貢四年遣尼法仙
寺來朝獻馬許遊五臺山又遣僧翟入奏欲建佛寺京城祝延
聖壽不許祥符元年夏州萬子等軍主領族兵趨回鶻被其設
伏要路俟過奮擊勦戮殆盡惟萬子軍主挺身脫走甘州亦遣
使至言德明侵軼之狀意頗輕之其年夜落紇寶物公主及
孤公主娑溫宰相各遣使來貢東封禮成賜可汗介冑授進奉
使姚進寧遠將軍公主進奉使曹進安化郎將賜以袍笏三年
又遣左溫宰相何居錄越樞密使翟符守榮等三十人來貢從
祀汾陰秦州回鶻安密道獻玉帶禮成授翟符守榮左神武大
將軍安殿民保順郎將餘皆賜冠帶器幣夜落紇復請加恩敗
迪德明立功首領給司戎階郎誥勅十道使得承制補署先
是甘與夏州數戰鈔奪貢奉及宗哥族感悅恩化遣人援送其

使故顯年得至京師既而喚厮羅欲娶可汗女以無聘財不許
因爲讎敵宗哥復阻貢路五年秦州遣指揮使楊知進譯者郭
敏送進奉使至甘州留不敢遣八年敏方得還可汗上表謝恩
言寶物公主疾死以西涼人蘓守信劫亂不時奏聞賜以寶劍
銀匣曆日及安撫詔書九年知進亦至乞慰諭宗哥使開朝貢
之路遣敏等賜以詔書并可汗器幣其年使來朝貢言夜落紇
卒九宰相諸部落奉夜落隔歸化爲可汗王領國事天禧二年
遣都督安信等來朝天聖元年遣使阿葛之王文貴來貢方物
六月詔封甘州廻紇夜落隔通順歸忠保順可汗王二年五月
遣都督習信等十四人來貢馬及黃湖綿細白氈三年四月可
汗王公主及宰相撒溫訛進馬乳香賜銀器金帶衣著帛錦旋
月差五年八月遣使安萬東等一十四人來貢方物熙寧元
年入貢賜以黑本大般若經六年復來補其首領五人爲軍
歲給綵二十疋神宗問其種落生齒幾何對曰三十餘萬壯可
用者二十萬因勅李憲使諭回鶻合阿里骨發兵深入夏境時
殿直皇甫旦往不得前妄奏功狀逮赴御史獄抵罪然回鶻使
不常來宣和中間因入貢散而之陝西諸州公爲貿易至留久
不歸朝廷慮其習知邊事且往來皆經夏國於播傳非便乃立
法禁之

簡錄卷二百五十二

明刑部員外郎仁和弘齋鄧經邦

皇清翰林院待講學士四世孫遠平校閱

附載 南詔

蒙舍龍 皮羅閣 閣羅鳳 其牟尋 子尋閣勸

勸利 豐祐 酋龍 蒙法 孫勸能晟

用詔本烏蠻別種姓蒙氏自言哀牢之後代居蒙舍州在漢永

昌故郡東姚州之西其渠帥有六蠻語王為詔號六詔蒙雋詔

最大次越析詔浪窮詔邊陝詔施浪詔各有君長兵力相埒無

統帥自諸葛亮征後臣伏內國唐初蒙舍龍傳迦獨鹿至細故

邏高宗時來朝又傳邏盛炎武后時來朝賜錦袍金帶歸國開

元初子炎閣立死弟盛邏皮立死其子皮邏閣立二十六年殺

特進封越國公賜名歸義以破洱河蠻功策授雲南王日漸
益餘五詔寢弱乃以利啖劍南節度王昱奏合六詔為一漸

羣蠻破吐蕃之衆益以驕大每入覲朝廷加禮表異先是炎

無子以閣羅鳳為嗣及取大和城因城龍口以處羅鳳

和故謂二十七年乃徙居之天寶四載遣羅鳳子鳳迦異入宿

衛拜為臚卿歸國恩賜甚厚時節度使章仇兼瓊遣使至雲南

與歸義語言不相得意常卿之七載卒而閣羅鳳襲雲南王以

迦異為陽瓜州刺史詔特進何履光以兵定南詔

內有五井人得煮鹽自給一併取之無

徧急寡謀張虔地為雲南太守性德

婁于謁見皆私之有所徵求多不應加以罵辱仍密奏其罪惡

鳳忿怒因發兵反攻殺虔地取姚及小夸三十二州十載仲

通率兵分道出戎舊曲靖等州羅鳳遣使謝罪還所據自言

吐蕃大兵壓境若不許當歸命于彼恐雲南地并唐有仲通不

許因其使進逼人和城兵收引還南詔遂臣吐蕃蕃語弟為鍾

立羅鳳為贊普鍾號曰東帝給以金印揭揭國門我上世臣奉

大唐不得已而叛唐使者可雪吾罪也時楊國忠當政奏徵天

下兵十餘萬將以侍御史李宓率餉相屬敗于大和城北并涉

瘴死十有八九天下騷然苦之又乘安祿山反攻陷嶺州掠西

瀘令鄭回及會同軍據清溪關以破越析又西降尋傳驃諸國

尋傳國者俗無絲纊跣履榛棘不苦射宅畜生食其肉戰以

籠頭如完齋其西有襍蠻不耕食漫散山中無君長作檻舍

居男少女多廣德初鳳迦異築柘東城得諸葛亮故碑文曰

卽仆蠻為漢奴迦異先羅鳳而卒至大曆十四年立其孫異

尋有智計善於撫衆畧能知書母卽李獨錦蠻女亦烏蠻種

在秦藏川南天寶中命其長為歸州刺史世與南詔婚聘德宗
初異牟尋率衆二十萬與吐蕃并力一趨茂州踰文川優灌口
一趨扶文掠方維白壩一侵黎雅叩叩鄰關欲取蜀為東府進
陷城聚人奪走山詔發禁衛及幽州軍以援東川與山南兵合
大敗蠻衆斬首六千級生擒捕傷及顛踣崖峭且牟尋懼
更徙直呷城築袤十五里吐蕃封為日東王然以責賦重數歲
索兵助防悉奪險隘建立營壘稍以為苦所獲鄭回本相州人
入寶中舉明經羅鳳重其儒學更名蠻利俾教子孫得加筆榜
國中無不敬憚之蠻謂胡為清平官凡置六人列國為首聚政
用事說以本國昔嘗款附大唐有禮義少求取非若吐蕃貪慳
厭若復棄蕃歸唐且免遠戍利莫大焉異牟尋遂遣使請
餘年未敢發貞元四年節度使韋臯徵聞其意遣使

書五年決計來歸遣三使異道同趨成都趙阜
可忍曾祖有寵先帝後世蒙襲緣多故無由自新代祖棄其
吐蕃詐給百情懷惡神川都督論納舌使浪人利羅式眩惑發
兵今十二年天禍蕃廷尚結贊陰謀圖害太子弟兄流竄近臣
平日功臣無一在納舌等皆冊封王小國奏請不令上達又
遣納舌逼城部落皆驚做邑不堪利羅式私取重賞今吐蕃委
以甲士六十侍衛因知懷惡不謬有如媼生寶汗辱先人辜負
部落每慮吐蕃陰毒野心輒懷搏噬往退渾王為其所害孤遺
受欺西山女王見奪其位拓拔首領並蒙沐刈僕同志忠身亦
喪亡其禍又將及我往朝廷降使招撫情心無二詔函信節皆
送番廷雖知中夏至仁業為蕃臣吞聲無訴故願竭誠歸款為
唐蕃輔請加戍劍南西山涇源等州安西鎮守揚兵四臨委回

鶴諸國所在侵掠使吐蕃勢分力散不能為疆此西南隅不煩
天兵咸可立功且獻黃金以喻順革向化之意丹砂以示赤心
帝嘉之賜以詔書命臯遣巡官崔佐時至其國與牟尋畏吐蕃
使者先在陰戒佐時稱牂柯使者服其衣以入佐時謂我大唐
所遣安肯從小邦服不得已至夜迎之設位陳燎佐時宣天子
意與牟尋顧左右失色流涕受命使其子閣勸及清平官盟
點茶山載書門一藏神祠石室一沈西洱水一置祖廟一以進
天子乃發兵殺吐蕃使者不用所立帝號遣曹長段南羅趙迦
寬隨佐時入朝刻金契以獻陰欲襲吐蕃先調兵萬人禦回鶻
陽示寡弱以三千人前行自將數萬兵踵後大破吐蕃于神川
遣弟湊羅棟清平官尹仇寬等入獻地圖方物請復號南詔厚
賜資授仇寬左散騎常侍封高溪郡王明年六月遣祠部郎

袁滋持節冊為南詔王成都少尹龐頤副之俱文珍為宣慰使
崔佐時劉幽巖俱為判官滋至大和城遣兄蒙細羅勿等來迎
異牟尋命甲蒙虎皮執雙鐸鞘千人為衛大象十二前引次列
騎與徒軍詣且受冊率官屬北面立宣慰詞東向冊使南向讀
詔由開元天寶至此五十年貞元皇帝洗痕錄功復賜爵命子
子孫孫永為唐臣因大會其下享使者出先時宿衛所賜銀平
脫馬頭盤弁歸國時賜蕃部龜茲樂二列今喪亡畧盡惟笛工
歌二女在酒行異牟尋坐奉觴滋受觴颺言當深思祖考成業
抱忠竭誠後嗣永以不絕尋拜曰敢不承命滋還復遣清平官

尹輔會等入謝獻鐸鞘浪劍斝刀生金瑟瑟牛黃琥珀氎紡絲

鐸鞘者狀如殘忍有孔旁達出麗水飾以金

象犀越睽統論馬

所擊無不洞鑿人尤寶月以血祭之鬱刀浪

人所鑄故又名浪劍鑄時以毒藥并治取迎躍如星者凡十年

乃成淬以馬血川金犀以飾鐸首傷人即死王所佩傳七世矣

明年攻吐蕃復取昆明城又破施頰二蠻龜擒其王置白崖城
因定磨些蠻隸昆山西爨故地破若蠻掠弄棟蠻漢裳蠻以實
雲南東北施蠻在鐵橋西北男子衣繒布女分髮直額為一髻
共地亦徙鐵橋在劍峽西北四百里號劍羌磨些蠻居鐵橋
大婆小婆三探覽昆池等川上多牛羊俗不類澤男女衣皮俗
好飲酒歌舞三蠻皆烏蠻種茫蠻木關南種茫其若號或呼茫
詔永昌之南有茫天連茫吐騰大啖茫昌茫鮮茫施皆其種也
縷居無城郭或漆齒或金齒衣青布短袴露臂以緇布縷腰
其餘垂後為飾婦人披五色婆羅籠象纒如牛養以耕弄棟蠻
乃白蠻種居弄棟縣鄙昔為哀州有首領刺史誤殺之罕矣
走後散居磨些江側漢裳蠻本漢人部種在鐵橋惟以朝霞纏
頭餘尚十五年謀擊吐蕃以遼川寧北等城當寇路乃峭山深
塹修戰備帝許出兵助力又請質大臣子弟阜辭固請賊遣就
學時昆明雋州與吐蕃結不先加兵反被所脅為患請阜
時唐兵北歲備北南方轉饒稽則兵不悉集皇度吐蕃麥
鴈仍興又贊普死新君立勸以緩舉吐蕃大昌必湯者

宜出閣眾治道將以十月圍雋州軍八萬屯昆明皆
以舅穰都羅為都統遣尚乞力欺徐濫鏢屯西貢州事聞奉命
部將武克赴以弩士三千充榮朝屯萬人黎州韋良金二萬五
千人屯雋州約有急皆進吐蕃引眾五萬自藥貢州分攻雲南
雋州異牟尋畏東蠻磨些陰為鄉導欲先擊之皇報雋州實往
來道扞蔽數州吐蕃百討窺之故嚴兵以守屯壁相望糧城皆
足東蠻庸敢懷貳尋乃檄諸蠻約糧城中不者悉燒之會頰城
將楊萬波約降事洩蕃以兵五千守阜將擊破之萬波與籠官
枚城而來徙于宿州阜將扶忠義又取末恭城俘繫牛羊千計
蕃將既煎讓律屯兵距小貢州一舍國師馬定國率種落出降
西貢節度監軍野多輸煎煮者贊普乞立贊養子當從先贊死
亦詣忠義降于是吐蕃氣衰弱不振欺徐濫鏢至鐵橋木有毒

人多死徙于納川壁而待是年地霜雪早兵無功還期以明年
又苦唐兵倚角不敢顯圖臯令免按兵雋州吐蕃怒野戰數北
改屯三瀘水遣論妄熱誘瀘諸蠻復城悉攝乃吐蕃險要蠻
潛導南詔與臯部將杜毗羅徂擊十七年春夜絕瀘破吐蕃屯
斬五百級吐蕃保鹿危山毗羅伏以待又戰奔于時康黑衣大
食等兵及吐蕃大將皆降獲甲二萬首又合鬼主破吐蕃于瀘
西其君長共計不得雋州患常未艾會荐饑方葬贊普調斂煩
數乃大料兵率三戶出一卒戍納川故洪諾濟臘聿資五城欲
率師出西山劍山收雋州以絕南詔臯言于朝益謹斥候悉斂
京右諸屯田禾芻隴焚萊以困其入遣將那毗屯兵萬人于南
北路趙昱戍萬人黎雅州具卒誅謂臯曰吐蕃聲取雋州實窺
雲南請武免督軍進直咩賊苦吐蕃不出當以來年二月深入

吐蕃兵二萬攻鹽州帝疑吐蕃多詐詔臯深抄賊鄙以誘其
勢臯表賊精銳多置南屯今向鹽夏非全軍欲掠河曲党項畜
產耳俄聞吐蕃破麟州臯督諸將出一自西山一山下竊一
隴陀和石門一經神川納川與南詔會時回鶻太原郊寧涇原
軍獵其北劍南東川山南兵震其東鳳翔軍當其西蜀南詔深
入克城七焚堡百五十斬首萬級獲鐵甲十五萬劉昆明維州
不能克乃班師振武靈武兵破吐蕃二萬涇原鳳翔軍敗吐蕃
原州惟南詔攻其腹心存獲最多帝遣中人尹偕慰撫吐蕃盛
屯昆明神川納川自守異牟尋比年獻方物天子禮之元和三
年死詔太常卿武少義持節弔祭其子尋閣勸立或名夢湊自
稱驃信譯語君也改賜元和印章明年死其子勸龍晟立淫肆不道
上下怨疾十一年為弄棟節度王嵯巔所殺乃立其弟勸利詔

少府少監李銑為册立弔祭使勸利德嵯巔賜氏蒙封為大容
蠻謂凡為容長慶三年始賜印而死其弟豐祐立為人趨政善用其
 下慕唐國不肯連父名穆宗遣京兆少尹韋審規持節臨册還
 與洪成將趙龍些楊定奇入謝文宗時西川節度杜元穎治蜀
 無狀障候弛沓嵯巔悉其衆陷印戎雋三州竟入成都止西郭
 十日掠子女工技數萬引而南救兵來逐身自殿後至大度河
 子女號慟赴水死者十三自是國善文織與大唐畧等明年上
 表請罪比歲使者來朝開成會昌間再至大中時經畧李琢苛
 墨自私以斗鹽易一牛蠻人不堪結南詔將段酋遷陷安南都
 護府號白衣沒命軍南詔發朱弩仗苴三千助守然朝貢猶
 至西川節度杜棕以蠻僦從多表無容納豐祐怒即言索
 于會宣宗崩使者告哀時豐祐亦死 坦綽酋龍立

賜故王者以草

地孫

皇帝

八禮國

後改大理未詳所始

懿

貢令

護

元年蠻攻走之代以王寬明年攻管經畧使李

能拒奔蠻州南詔亦引去經畧使段文楚數改條

明懷玉代之時越人四其 則涼無有故不入寇 棕

者弔祭示恩 信以台嫌 命未可舉必易

方遣左司郎中孟穆持節往 南詔 長陷嶺州穆乃

不行琢先奏罷防秋兵六千委安南 姚林西原七結洞首領李

山獨可當一隊越蠻之人至是以女 女山獨子七結洞舉附蠻

上竟不能制三年代以湖南觀察使 裴發諸道兵二萬屯守

南詔畏不敢出嶺南經制蔡京忌 龔功 龔欲阻壞之言南方本

無虞皆因武夫倖功聚兵耗運請 選所戍以惜財用龔執不可

願留兵五千累表不報極陳南詔伺隙久有十必死狀帝廷昏
肆不省京還復詔為宣慰安撫使即建折廣州為嶺南東道邕
州為西道隸龔象藤巖四州拜京西道節度使京素備食克
至峻條令為炮薰剝斷之法軍中悉然地走藤州緡緡作攻討
使即召鄉兵攻邕州不克眾潰貶死代以觀察使鄭愚南
詔攻交州進畧安南龔請救發荆湖桂兵五千屯邕州嶺南章
宙奏南詔必襲邕管不先防近而圖遠恐擣虛深入乃詔龔按
軍海門分兵禦之龔請濟師益以山南東道兵千人龔將楊
忠偕西向兵六千薄城而屯四年正月攻益急龔錄與爭尋
謚言駁一射入其營不答俄而城陷龔闔宗死者七十人幕
龔焚綽取藥口走渡江荆南兵入東廓苦戰斬蠻二千級是夜
一皆城有詔嶺南免安南賦入將吏遺人多伏溪

所在招還抹血之吏以秦州經畧使高駢為安南都護蠻

州復以康承訓代鄭愚發兵萬人從之隣以塞詔大典諸道兵
五萬以往六月置行交州于海門進為都護府益調山東兵萬
人鎮以容管經畧使張茵因命經畧安南茵逗留不敢進羣市
請分兵屯容藤拔蠻勢五年蠻回掠嵩州以播西南西川節度
蕭鄴率屬蠻鬼王邀擊大度河敗之明年復來攻會刺史喻士
珍貪猾陰掠兩林東蠻縛賣其口故開門降蠻盡殺戍卒唐州
士珍時安南久屯兩河銳士多死瘴毒從宰相楊收議罷北軍
以江西地近募強弩二萬建鎮南軍節度以便調發夏侯孜亦
以張茵懦不足事悉以兵授高駢因率選士五千渡江敗林邑
兵于邕州擊南詔龍州屯蠻長燒貴畜走酋龍遣楊緝思助酋
共守安南以范胤些為都統趙諾眉為扶邪都統七年六月

新次交州戰數勝士酣鬪斬其將張詮李差龍舉眾萬人
 拔波風王壁緝思出戰敗還走城士乘之超堞入斬酋遮
 諾眉上首三萬級安南平初酋龍遣清平官董成等九人詣
 成都請以敵國禮見節度使李福不許導譯五日并遣儀
 不次福怒命武士抔辱之械繫于館俄而代者劉潼表請遣
 詔召至京師見于別殿厚賜慰遣明年使楊西慶等來謝定
 邊軍節度師望欲激蠻怒微幸有功殺之代以竇滂尤

織酋龍怒殺其使乃入寇以軍級清溪關密

坂盛夏凍死卒二千人出林源以圍嘉州

百種戰盡覆酋龍自將督眾五萬使

河走諸屯皆退

史楊恣夾江而軍士攢射蠻不得進恣自上游以濟

殺忠武將顏慶帥恣走嘉州陷明年正月攻杜再榮滂自勦

戰蠻遣使十輩請和滂信之語未半蠻桴爭岸謀而進滂

所為將自殺武寧將苗全緒止之死戰却蠻滂乃遁全緒

行黎州陷人走匿山谷蠻掠金帛自印峽關負入圍雅州

印州是冬滂棄州壁導江儲貴時械皆亡酋龍進攻成都眉

州坦綽杜元忠日夜教取全蜀西川節度盧耽遣其副王偃中

人張思廣偕往約和蠻強使南面拜卒不見酋龍而還蠻次新

津耽復遣副譚奉祀好言申約蠻留之耽畏援卒未集飛請天

子降大使通好以紓其深入懿宗馳遣太僕卿支詳為和蠻使

蠻本無謀不能乘機會鼓行亟驅但懼鹵剽小利虺結蠅營故

蜀孺老得扶携悉入成都閭里皆滿戶所占地不得過

則冒箕盜自庇。城中井竭。共飲摩訶池。至爭捽溺死者。或筮沙
取滴飲之。死不能具棺。卽其坎瘞。故廬州刺史楊慶復爲耽治
攻具蘭石置牢城。兵八將主之。樹篋格夜列炬照城。守具雄新
又選悍士三千號突將。爲長刀巨槌。斧分左右番休。日隸千軍
七心侈欲鬪。而酋龍自雙流徐行欲報董成之辱。而給耽請士
介至軍議事。耽遣節副柳槃往見杜元忠。議和妄言見帝。請具
車蓋葆嬰。槃未能決。而還蠻以三千騎負壘。暮大言供帳。隋蜀
王廳事爲驃信行在。耽不許。乃馳去。蠻稍前。傅外城時游奕使
王晝督援兵三千屯毗橋。滂軍亦白尊江來相犄角。咸不力戰。
遇小不勝。卽保廣漢。白以失定邊。覲成都得薄其罪。會有詔斥
徙軍。遂無功。耽部將李白孝陰與賊通。爲下所覺。殺之。獨二
月蠻以雲梁鴟車四面來攻。耽遣李壽張察率突將戰城下。僞

斬二千級。蠻徹民部落爲蓬籠。如車傘。下設枕木。推而前。匿其
內。以穴塘楊恣以覷貯糞。潞反之蠻不能處。注以鐵液。蓬籠皆
火。自負其衆。益治器械。斧斤晝夜有聲。將擊錦樓。衆失色。耽遣
將出三面苦戰。蠻引郤。支詳遣謀與約好。且語耽毋多殺。以速
其和。士脫鏡迎之。詳陳所齎。署二旗曰賜雲南幣物。謂蠻使者
曰。天子詔和解。而兵薄成都。奈何。請退舍撤警。以修好會。遣顏
慶復爲大度河制置。劍南應接使。兵次新都博野。將曾元裕敗
蠻兵。斬二千級。獲馬四百尾。酋龍遣酋望至支詳所。請和。耽遣
銳將趣蠻壁。燒攻具爲所躡。卻而潰。時鳳翔山南軍俱至。蠻迎
戰。毗橋不勝。趨沱江。又爲伏士擊敗。城中出突將夜火。蠻營酋
龍坦綽身督戰。大敗。夜燒亭。傳乘火所向。兩射于師。大將宋威
嚮矢所發。叢射之。兩軍不能決。各解去。酋龍知不敵。夜徹營南

引簡錄 卷一百五十一
奔至雙流江無梁計窮將赴水死其下止之曰今北軍與成都
兵合若來追我無類矣不如僞和以紿急不聽死未晚乃來請
三日梁成而濟卽斷梁按隊緩驅黎州刺史嚴師本收散卒保
邛州酋龍懼圍二日去凡俘掠民必割耳鼻已乃縱之故所遇
刻木爲耳鼻者什八慶福之來衆以其弟慶師死于蠻必甘心
及成都不破以已功輕乃按軍廣溪縱殘寇人人切齒酋龍年
少嗜殺親戚異已者皆斬又兵出無寧歲諸國更讎忿衆仍屢
覆國虛耗悉發男子十五以下從軍以婦人耕餉十四年且
復寇蜀黎州刺史嚴師擊却之衆循大度河而南夜將
夾攻瀕水諸屯景復遣繼追躡又爲所敗踵來者什旗息
以請欲上書自乞兵信之不與戰橋成而濟黎州遂陷
邛州擊定邊軍卒潰入邛州成都大震人入玉壘關

城坦綽遣使者王保成等四十人請假道入蜀
蜀主故殿節度使牛叢欲許之楊慶諫曰蠻無信彼理屈
詐我也請斬其使惟留二人選書責以王之禮最爲小國
錄其勤合大詔爲一各之以國俾附成都許子弟入太學
王風雀蛇犬馬猶能報德今自絕王命乃不如盡焉比以成
武備未修爾得突我疆場今吾有十萬衆千人爲軍十軍爲部
號將主之部有疆弩二百鎗斧輔之勁弩二百越銀刀輔之長
戈二百撥刀輔之短矛二百連鎚輔之四面咸有鐵騎五百悉
收荊芻米粟牛馬犬豕清野待爾以旁騎畧爾樵采每日出一
部與爾戰日中而代別部二番月明則戰黑則休夜半而代我
兵五日一殺敵爾乃晝夜戰不十日且死矣州縣繕甲厲兵倚
角相從皆鬚之深警雖女子能縶斷薄賊况疆夫烈士哉爾祖

嘗聞後西番爲爾仇家今願臣之何恩讐之戾耶。蜀王故殿先世之寶宮非邊人所當舍。且縛得書至新津而還。回寇黔中經畧使秦匡謀懼奔荆南。會僖宗立遣金吾將軍韓重持節往使。俄攻黎州景復擊走之。乾符元年劫畧雅州破黎州入邛崃關掠成都閉門三日始去。詔徙高駘領西川節度使奏蠻小醜易制而蜀道險遠請悉罷長武河東發兵。彼皆扼制諸蕃不可弛備。詔從之。至不淹旬閱精騎五千逐至大渡河奪鎧馬執殺渠長五十復邛崃關復取黎州蠻遁還青殺景復以徇列戍望星清溪等關先是蠻俘安南經畧判官杜驥其妻宗室女故酋龍使奉書丐和駘答曰我且將百萬衆至龍尾城問爾罪酋龍大震自叛後數遣使至其境不肯拜然其俗尚佛法駘故遣淳屠景仙攝使以往。登則與其下迎拜定盟而還。遣清平官酋望

趙宗政質子三十入朝請盟乞爲兄弟若甥舅詔拜景仙鴻臚卿檢校左散騎常侍駢結吐蕃尚延心嗚末魯禿川等爲間築戎州馬湖木源川大度河三城列屯據險料壯卒爲平彝軍。自是氣奪酋龍患發疽死僞諡景莊皇帝其子蒙法嗣改元貞明承志大同自號大封人年少好畋獵酣逸衣絳紫編罽鍍金帶國事顛決大臣乾符四年遣范西段瑋寶詣邕州節度辛讜請修好詔使者各報未幾寇西川駢奏請與和親右諫議大夫柳韜吏部侍郎崔潛止言遠蠻叛逆因浮屠誘致議許和親傳笑後世駢職上將謀乖謬不可從遂寢駢徙荆南持前議不置宰相鄭畋盧攜爭不決皆罷讜遣幕府徐雲虔攝使者往覘到善闔府見騎數十戍長戈擁絳服少年朱繒約髮典客加陀長孫慶曰此驃信也。問天子起居下馬揖客取使者佩刀視之自解

左右鈕以示。乃除地剽三丈版。命左右馳射。每一人射法。驟馬逐以爲樂。數十發止。引客就幄。飯子捧瓶盃。四女子侍樂飲。夜乃罷。又遣問客春秋大義。送使者還時。駢徒節鎮海効澹等。阻議帝蒙弱不能曉。下詔慰解。西川節度崔安潛上言。蠻不識禮義。安可以賤隸尚貴。主失國家大體。澹等議可用。臣請募義征子。率十戶一保。願發山東銳兵六千戍諸州。比五年蠻可爲奴。久之。帝手詔來問安潛。答曰。雲南姚州警一縣內國。何資于彼。而遣重使加厚禮。彼且妄謂朝廷畏怯無能。爲脫有他請。陛下何以待之。且天潢近屬。不可下小邦。臣比移書黜所僭。不言具甥。有如使不復至。當遣謀人伺其隙。可以得志。未幾。夔陷安都護。曾袞奔邕。戍兵潰。西川節度陳敬瑄申議和。親時攜復。政與豆盧瑑皆厚駢。乃譎說帝。自乞。示。又。中。七。閣。二。

南內庫皆積如山。戶部延資充滿。西川庫錢亦至一。萬緡。諸

道皆然。咸通以來。蠻始叛。命再入安南。邕管一被黔州四盜。西川召兵。東方天下騷動。十有五年。賦輸不入京者。過半。中藏空虛。士死瘴癘。燎骨傳灰。人不念家。亡命爲盜。可爲痛心。陛下初卽位。遣韓重往使。費鉅不貲。蠻不肯迎。駢後招盟。未繕甲訓兵。羣蠻震動。遣趙宗政入獻。及雲虔往使。驟信答拜于禮。不少前年。留宗政等南方無虞。及遣還。彼猶冀望。比蒙法立。三年兵不出。蓄力以間我。虞今朝廷府庫。匿甲兵少。半叢有北兵七萬首。尾奔衝不能救。况安南客戍單寡。涉冬寇禍可虞。誠命使者臨報。縱未稱臣。且伐其謀。外以縻服。羣蠻內得休息。全蜀帝以爲然。乃許其婚。封宗室女爲安化長公主。拜嗣曹王。龜年宗正少卿。爲雲南使副。以大理司直徐雲虔并內常侍劉光裕。霍承錫。

還言驃信誠欵遣番相趙隆眉楊奇混段義宗朝行在駢白揚
州。注言三人皆蠻心腹宜止而鴆之。蠻可圖也。帝從其言。自是
謀臣益蠶益衰。中和元年復遣使來迎獻珍怪。麤麕百牀。詔以
方議公主車服為解。後二年又遣布燹楊奇肱來迎。詔檢校國
子祭酒張譙為會禮使。雲虔副之。宗正少卿嗣虢王約主婚。未
行而黃巢平。帝東還。乃歸其使。法死。偽諡聖明。文武皇帝而于
舜化立。建元中。興遣使欵黎州。修好。昭宗不答。後唐亂。不復通。
後唐同光三年。魏王繼岌平蜀。齋書招諭。不納。天成元年。供奉
官李彥楷等使雲南。回攜州山後兩林百蠻都鬼主右武衛將
軍李早晚。差大鬼主傅能阿花等來朝。貢明宗引見。如早晚官
寧遠將軍。又以大度河南山前印州六姓都鬼主懷安都主勿
定標莎為定遠將軍。明年遣金吾衛將軍馬昭遠入蠻為信國

使不能達。而還。宋太祖時。西川奏據黎州狀。申雲南使趙和于
大度河南起舍一間。留信物十五籠。并雜詩一卷。遞至關下。因
鑿唐之禍。基于南詔。命棄越雋諸郡。以大度河為界。使欲為寇
則不能。為臣則不得。橫山有寨。宜管以西。虎頭關九十里。險甚
所在把握。喇丁結聚。道路荒僻。大理益不通于宋國。皇祐中。儂
智高敗奔其國。持之以問熙寧九年。遣使貢方物。自後不常來。
亦不領于鴻臚。政和五年。廣州觀察使黃璘奏大理國慕義。懷
來願為臣妾。欲聽其入貢。詔置局于賓州。凡有奏請。皆俟進止。
六年。遣進奉使李紫琮。天馴。爽彥。賁坦。綽李伯祥。來道出荊湖。
過鼎州。請詣學。瞻拜宣聖像。許之。遂遍謁見諸生。又乞觀御書。
閣。閱讀御製。舉笏叩首。七年。至京師。貢馬及麝香等制。以其王
段和譽為金紫光祿大夫。檢校司空。雲南節度使。上柱國。大理

山簡錄 卷一百五十二
國王自後復不通問一至黎州互市紹興三年廣西奏大理國
求入貢及買馬事上不欲以虛名勞民乃曰遐方異域何由得
實彼之進貢實利買販但令帥臣邊將償其馬直當價後當繼
至可增諸將騎兵不爲無益六年廣西經略使奏大理復遣使
奉表貢象馬約五月至橫山詔所進方物不受餘驛付行在仍
計價優與回賜章表等遞進降勅書回答翰林學士朱震上言
乞諭廣西帥臣凡市馬當擇謹厚者任之毋遣好功喜事之人
以啓邊釁異時南北路通則漸減廣西市馬之數庶幾消患于
未然詔從之乾道癸巳冬忽有大理人李觀音得董六斤黑張
般若師等凡二十三人至橫山議市馬出一文書字畫有法大
略所須文選五臣註五經廣註春秋後語三史如註都大本草
廣註五藏論大般若十六會序及初學記張孟卿韻切韻玉

集聖曆百家書之類及浮梁銅器并碗琉璃碗壺紫檀沉香木
甘草石決明并泉石蜜陀僧香蛤海蛤等藥稱利正二年十二
月其後言古人有云察實者不留聲觀行者不識詞知己之人
幸逢相謁言音未同情慮相辨吾聞夫子云君子和而不同小
人同而不和今兩國之人不期而會者豈不習夫子之言哉續
繼短章伏乞斧伐有言音未會意相和遠隔江山萬里多之語
其人皆有禮儀擊誦佛書碧紙金銀字相間邕人得其大悲經
稱爲坦綽趙般若宗祈禳目疾而書邕守稿來者厚以遣歸淳
熙二年十一月知靜江府張栻申嚴保伍之禁又以邕管戍兵
不能千人左右江峒丁十餘萬每恃以爲藩蔽其邕州提舉巡
檢官宜精其選以撫峒丁欲制大理當自邕管始云

冊曰蠻方古有盛衰隨時在唐者四突厥先之內蠻外張

冠履倒持吐蕃回紇中世所泊述雄迭長迨宋末歇最後
南蠻唐所由亡助以徇亂巢以造殃殿鑒在茲列此為坊
小魏寔繁通考已詳

弘備錄卷二百五十三

明刑部員外郎仁和弘齋邵經邦學

皇清翰林院待講學士四世孫遠平校閱

附載高麗

高建武

附蓋蘓文
泉男

王建平昭本仙治入誦詢

欽徽

運

竟

頤

候

附康
金行

高麗本曰高句驪乃扶餘別種其始備載文獻通考并隋書隋

末其王高元死異母弟建武嗣武德初再遣使入朝時煬帝亂

後戰士多陷其地高祖下書修好約其人在我國者護送我國

人在彼國者遣還於是悉搜亡命歸且萬人後三年遣使拜上

柱國封遼東郡高麗王仍將天尊像命道士賫往為講老子建

武大悅率國人共聽之日數千人會帝務在安民不欲尊大自

處嘗謂侍臣名實須相副高麗雖臣於隋而終拒煬帝將待以
不臣何如裴矩溫彥博諫曰遼東本箕子國漢玄菟郡魏晉時
近在封內不可許以不臣且內國與高麗猶太陽於列星不可
以降乃止九年新羅百濟上書訟建武閉道使不得朝且數被
侵掠詔散騎侍郎朱子奢持節諭和建武奉表謝罪與二國平
太宗已禽突厥頡利遣使者入賀并上封域圖帝詔廣州司馬
長孫師臨瘞隋戰士皆毀其所立京觀建武懼築長城千里東
北首扶餘西南屬之海貞觀十四年遣太子桓權入朝獻方物
帝厚賚使陳大德持節答勞且觀爨所至七女夾道觀我國流
客者爲道親戚存亡人人垂涕建武盛陳兵見使者其大對盧
官各三至館加禮還奏帝悅大德初入其國厚餉官吏悉得其
曲問高昌已滅帝言高麗地止四郡我發卒數萬以舟師自

心平壤固易但天下甫平不欲勞人耳適有

號蓋金姓泉氏姿貌魁秀美須髯自云生水中以惑衆性惡

乘父爲大對盧死當嗣國人惡之不得立頓首謝衆哀令攝職

侍政殘凶不道身佩五刀冠服皆飾以金左右莫敢仰視使

兵人伏地踐以升馬出入陳兵禁切行人畏竄至投坑谷建武

與諸大臣議誅之爲所覺悉召諸部給云大闕列饗具請大臣

臨視預伏兵盡殺之復馳入宮殺建武殘其尸投諸溝乃更立

弟之子藏爲王自爲莫離支專國猶唐兵部尚書中書令之職帝聞惻然遣

使者持節弔祭羣臣勸帝討之帝不欲因喪伐罪命藏襲

故王號房文齡長孫無忌皆勸帝隱其患撫其存彼當聽命帝

曰善會新羅又遣使來歸命言高麗與百濟聯和將見討帝問

若何而免使者曰計窮矣惟陛下哀憐帝言三策其一我以偏

師率弊丹棘鞫入遼東而國可紓一歲二以絳袍丹幟數千賜而國至建以陣二國見者謂師至必走三百濟恃海不脩戎械襲以舟師數萬而國待安則自守之三策孰取使者不能對乃下璽書遣司農丞相里元獎讓高麗使止勿攻未至而蓋蘓文已取新羅二城對元獎曰往隋見侵彼國乘釁奪我地五百里今非盡反兵將不止元獎曰往事烏足論遼東故上國郡縣天子且不取汝安得違詔不從還奏帝曰莫離支弑君虐民怨痛溢道我出師有名褚遂良諫陛下兵度遼而克固善萬一不逞且再用師安危不可億度李勣曰不然曩薛延陀盜邊陛下欲追擊魏徵苦諫而止後復畔擾至今爲恨帝曰誠然會新羅又數請援乃下吳船四百柁輸糧詔營州都督張儉等發幽營兵之并丹奚怱惕等出討莫離支懼遣使者獻金帝不納又遣官

五十入宿衛帝怒責曰而等委質高武不伏節死義反爲逆子謀罪不可赦悉下之獄乃欲自將討之羣臣皆勸帝勿行帝曰吾知之矣去本而就末捨高以取小釋近而之遠三者爲不祥然高麗之人延頸待救議者顧本亮耳亟命北輸粟營州東儲粟古大人城召長安父老厚賜布粟約于若孫從行者加以封循毋庸郵駕幸洛陽拜張亮平壤道行軍大總管常何左難當副之冉仁德劉英行張文幹龐孝泰程名振爲總管帥所募江吳京洛兵四萬吳艘五百泛海趨平壤李勣爲遼東道行軍大總管江夏王道宗副之張士貴張儉執失思力契苾何力阿史那彌射姜德木麴智盛吳黑闥爲行軍總管隸之帥騎士六萬趨遼東詔所過營頓毋飭食毋豐怪木可涉者勿作橋梁行在非近州縣不得令學生耆老迎謁朕昔提戈撥亂無盈月儲猶

所嚮風靡今幸家給人足祇恐勞於轉餉故驅牛羊以食軍且
朕必勝有五以我大學彼小以我順討彼逆以我安乘彼亂以
我逸敵彼勞以我悅當彼怨渠憂不克耶又發契丹奚新羅百
濟諸君長兵悉會十九年二月駕起次定州語左右曰今天下
大定後嗣因士馬盛彊謀臣必導以征伐朕故自取之不遺後
世憂也帝身屬橐乃結兩籠於鞍坐於城門過兵人人撫慰視
疾病者勅州縣治療衆咸感悅無忌奏天下符魚悉從而宮官
上十人間者謂輕神器帝止勿言曰士十萬度遼皆去家室朕
以十人從尚嫌其多四月勅濟遼水高麗皆嬰城守帝大饗士
帳幽州之南詔無忌誓師乃引而東勅攻板蓋牟城得戶二萬
糧十萬石仰其地建蓋州程名振攻沙卑城西城夜潰獲八千
游兵賜淥土勅遂圍遼東城帝次遼澤高麗別都騎四萬

來救道宗幸張君又逆戰而却即誅以徇馳騎逼高麗兵皆辟
易奪其梁收散卒乘高以望見高麗陣驚急擊破之斬首千餘
級帝度遼水微枉約堅士心營馬首山身到城下見士填塹分
負重者馬上持之羣臣震懼爭拔塊以進城有朱蒙刺方圍急
巫飾美女以婦於神傳言朱蒙悅城必完勅列拋車飛大石過
三百步所當輒潰高麗積木爲樓結組罔不能拒以衝車撞碎
之時百濟上金髮鏡士被以從甲光炫日乘南風縱火延城中
屋幾盡人死于燎者萬餘衆蒙盾登陴以拒舉長矛礮之簡石
如雨城遂潰獲勝兵萬戶四萬糧五十萬石即其地建遼州行
在所止至太子所舍置一烽約下遼東舉烽是日傳燎入塞進
攻白崖城城負山崖水險甚帝壁西北高麗將孫伐音丐降恐
城中心不一賜以幟若降則建爲信俄而舉幟勸奏帝士貪得

獲奮而先。今城危已拔。若許其降。恐孤士心。帝是其言。但縱兵殺戮。略人妻孥。朕所不忍。麾下有功者。朕能償以庫物。庶可贖一城生命。凡獲男女萬兵二千。卽其地建巖州。以伐音爲刺史。進次安市。高麗北部僞薩高延壽。南部僞薩高惠真。引兵及靺鞨衆十五萬來援。帝默計。彼若勒兵連安市。而壁據高山。取城中粟以食。縱靺鞨略吾牛馬。攻之不可下。此上策也。長城夜去。中策也。與吾爭鋒。則禽矣。有大將盧獻計。延壽曩內國亂。秦王神武親手定之。今掃地而來。謀臣重將皆在其鋒。不可校。莫若頓兵曠日。陰遣奇兵絕其饗道。不旬月糧盡。欲戰不得。欲歸無路。乃可取也。延壽不從。引軍距安市四十里。而屯。帝聞喜曰。賊陷吾策中矣。命阿史那社爾嘗以突厥千騎使勸率步騎萬五千。神西嶺無忌精兵萬人出高麗。帝引騎四千偃旗趨北。

令聞鼓聲。縱擊仍張帷。朝堂約翌日降高麗。於此是夜流。延壽營。旦日高麗視勸軍少。卽戰。帝望無忌軍塵起。命鼓角。幟伏兵四合。高麗惶惑。將分兵禦。聞衆已囂。勸以步槩擊敗之。無忌乘其後。帝自山馳下。高麗大亂。斬首二萬級。延壽收餘衆。負山自固。無忌勸合圍之。徹川梁斷。歸路帝喜曰。彼傾國而來。一麾破之。天贊我也。下馬拜謝。延壽等度勢窮。卽舉衆降。入轅門。滕行丐命。帝問後敢與天子戰乎。惶汗不能對。悉官其首二千五百人。許以內徙。縱還餘衆三萬。誅靺鞨三千餘人。獲馬牛十萬。明光鎧萬領。高麗震駭。后黃銀二城咸自拔去。數百里無舍烟。命驛報太子。并賜諸臣書曰。朕自將若此。云何因圖破陣。狀勒石紀功。拜延壽鴻臚卿。惠真司農卿。候騎獲覘人解其縛。遣歸語。莫離支若須軍中進退。可遣人至吾所。時每營不作。塹

壘惟謹斥候士運糧雖單騎不敢鈔將議所攻帝曰吾聞安市地險而衆悍莫離支擊不能下因與之建安恃險絕粟多而士少若出其不意攻之必不相救建安得則安市在吾腹中勦曰不然積糧遼東而西擊建安賊將梗我歸路不如先攻安市帝善之攻未能下延壽惠真謀曰烏骨城偃薩已耄朝攻而夕可下此城拔則平壤可舉羣臣亦以張亮軍在沙城朝召夕至令取烏骨度鴨淥迫其腹心計之善者無忌謂天子行師不微幸安市衆十萬在吾後不如先破之乃驅而南城中見帝旌麾輒乘陣譟帝怒勦請破日男子盡誅高麗聞故死戰道宗築距闕攻東南高麗增陣以守勦攻其西撞車所壞隨輒串柵爲樓時以圍久突無爨烟帝聞城中鷄雉鳴必殺以饗士高麗且夜出詔嚴兵丙夜果縋數百人悉禽之道宗以樹枚裹土積之迫城

不數丈守以果毅都尉傅伏愛城且頽伏愛私去所部高麗兵得自頽城出據而塹斷之積火縈盾固守帝怒斬伏愛敕諸將擊之三日不克有詔班師拔遼蓋二州之人以歸兵過城下城中屏息偃旗渠長登城再拜帝嘉其守賜絹百疋遼州粟尚十萬斛取不能盡駕至渤錯水沮洳八十里不通無忌楊師道等率萬人斬樵築道聯車爲梁帝負薪馬上助役十月兵甲度雪甚詔屬燎以待濟始行逮還士十萬物故裁千餘馬萬匹死十之八舟師七萬故亦數百詔集戰骸塋柳城祭以大牢帝臨哭從臣皆流涕帝總飛騎入臨渝關皇太子迎道左初別時帝御褐袍與太子約俟見爾乃更歷二時弗易羣臣請更却曰士皆敝衣吾可新服耶及是太子進潔衣乃御遼降口萬四千當沒爲奴婢憫其父子夫婦離析詔有司屬以布帛原爲民列拜謹

舞三日不息延壽以憂死獨惠真至長安明年春藏遣使者上方物且謝罪獻二妹口勅還之下詔削蘓文官爵朝貢又明年三月詔左武衛大將軍牛進達爲青丘道行軍大總管右武衛將軍孫貳朗右屯衛大將軍鄭仁泰副之率營州都督兵由新城道以進次南蘓木底城高麗兵戰不勝焚其郭七月進達等取石城進攻積利城斬級數千皆還藏遣子高任武來朝因謝罪二十二年詔右武衛大將軍薛萬徹代爲大總管副以右衛將軍裴行方自海道入部將古神感與戰曷山而潰高麗乘蹙襲我舟伏兵破之萬徹度鴨淶次泊灼城拒四十里而舍高麗懼皆棄邑若去大將所夫孫拒戰萬徹擊斬之遂圍城破其援兵三萬乃還帝與無忌計高麗困吾師戶口云耗田歲不收蓋蘓文築城增陴下饑臥死不勝敵矣明年以公爲大總管將三

十萬衆一舉可滅也乃詔劍南治船巴蜀大騷印行雅三州皆反發隴西峽內兵擊定之詔陝州刺史孫伏伽萊州刺史李道裕儲糧械於三山浦烏胡島越州都督治大艤舫以待會帝崩皆罷藏遣使者奉慰永徽五年藏以靺鞨兵攻契丹戰新城大風矢皆還激爲所乘大敗契丹使露布聞于朝六年新羅訴高麗靺鞨奪三十六城高宗命營州都督程名振中郎將蘓定方討之至新城敗其兵火外郭及墟落引還顯慶三年復遣名振率薛仁貴攻之未能克後二年已平百濟乃以大將軍左驍衛契苾何力右武衛蘓定方將軍左驍衛劉伯英率諸將出沮江遼東平壤三道討之龍朔元年大募兵上欲自將蔚州刺史李君球上言高麗小醜何至傾上國事之有如高麗旣滅必發兵以守少發則威不振多發人又不安使天下疲於轉戍臣謂

征之未如勿征滅之未如勿滅會武后苦邀乃止八月定方破高麗兵於滇江奪馬邑山遂圍平壤明年麗孝泰以嶺南兵壁蛇水蓋蕪文攻之舉軍沒定方解而歸乾封元年藏遣子男福從封泰山還而蕪文死子男生代為莫離支與弟男建男產相怨男生據國內城遣子獻誠入朝求救蕪文弟淨土亦請割地降乃詔何力為遼東道安撫大使左金吾將軍麗同善營州都督高侃為行軍總管左武衛將軍薛仁貴左監門將軍李謹行殿而行九月同善破高麗兵男生率師來會詔拜同善特進大都督兼平壤道安撫大使封玄菟郡公勅又為行軍大總管獨孤卿雲鴨渌道郭待封積利道劉仁願畢列道金待問海谷道並為行軍總管受勅節度轉燕趙食磨之明年正月勅次新城令諸將謀曰新城當賊西鄙不先圖餘城未易下遂壁西南山

城守將出降命侃守之凡拔十有六城三年二月進拔城餘城他城三十皆納款男建遣兵襲新城仁貴救侃戰金山不勝高麗鼓而進仁貴橫擊大破之斬首五萬級男生舉南蕪木底蒼苔等城以降會侍御史賈言忠計事還帝問軍中云何對曰必克先帝所以不得志者高麗未有釁也諺云軍無媒中道回今男生兄弟鬩牆為我鄉導彼之情偽我盡知之且彼中秘記曰不及九百年當有八十大將滅之高氏自漢有國今九百年勸年八十矣歲仍荐饑人相掠賣地震裂狼狐入城蚡穴於門人心危駭是行不再舉矣男建復襲扶餘勸又破之進拔大行城仁願後期召還當誅赦流姚州何力會勸軍于鴨渌拔孰彝城悉師圍平壤九月藏遣男產率首領百人樹素幡降且請入朝勸以禮見而男建猶固守大將浮屠信誠約內應男生引

銳兵潛入火其門鬱燄四興男建窘急自刺不殊與藏皆被執
凡收五部百七十六城戶六十九萬詔勅便道獻俘昭陵凱而
還十二月帝坐含元殿受俘赦藏爲司平太常伯男產司宰少
卿男生右衛大將軍封卞國公獻城司衛卿信誠銀青光祿大
夫授男建黔州百濟王扶餘隆嶺外勅等受爵各有差別其地
爲都督府者九州四十二縣百擢渠豪有功者授都督刺史令
與漢官參治復置安東都護府以仁貴爲都護總兵鎮之是歲
郊祭謝成于天總章二年山南大長鉗牟岑復立藏外孫安舜
爲王詔高備東州道李謹行燕山道並爲行軍總管討之遣司
平太常伯楊昉綏納亡餘舜殺牟岑走新羅備徙都護府治遼
東州被叛兵於安市又敗之泉山俘新羅授兵二千謹行破之
于發盧河俘馘萬計於是平壤夷殘不能軍相率奔新羅遣人

散奔突厥鞞鞞凡四年乃止儀鳳二年授藏遼東都督封朝正
郡土以安餘民先編僑內州者皆原遣徙都護府新城藏與鞞
鞞復謀未及發召還放邛州於永淳初死贈衛尉卿葬頡利墓
左高氏君長遂絕垂拱中孫寶元復封朝鮮郡王聖曆初進左
鷹揚衛大將軍更封忠誠國王使統安東舊部不行明年以藏
子德武爲安東都督後稍自國至元和未遣使者獻樂工云
男生字元德爲人純厚有禮奏對敏辯善射藝人以此稱後詔
安撫遼東招流徙平賦歛罷力役民悅其寬卒年四十六贈并
州大都督諡曰襄獻誠天授中爲右衛大將軍來俊臣誣死後
白其寬贈右羽林衛大將軍以禮改葬
唐末中原多事高麗大族王氏承高氏之位後唐同光元年遣
使廣評侍郎韓中世副使春部少卿朴巖來長興三年權知國

事王建遣使朝貢明宗拜爲玄菟州都督充大義軍使封高麗國王時遼方建國神策間遣使進寶劍天贊三年并天顯二年來朝貢會同二年受晉冊上尊號遣使往報晉天福中亦來朝貢開運二年卒子武襲位漢乾祐末卒其子昭權知國事周廣順元年遣使朝貢授特進檢校太保持節都督王封如故顯德二年又遣使來貢加開府儀同三司檢校太尉至太師世宗遣太部員外郎韓彥卿賫帛數千匹市銅以鑄錢六年昭遣使貢黃銅五萬斤又進別序孝經一卷叙孔子生及弟子事越王新義八卷以越王爲問曰若今正義皇靈孝經一卷述延年辟穀孝經雌圖一卷載日食天變皆不經之說建隆三年十月昭遣使評侍郎李興祐副使李勵希判官李彬等來朝貢四年春降詔賜錢七千戶賜推誠順化保義功臣九月遣時贊等來貢

寶五年來獻方物加賜推誠順化守節保義功臣進奉使內議侍郎徐熙加兵部尚書副使內奉卿崔鄴加司農卿並兼御史大夫判官廣南侍郎康禮試少府少監錄事廣評員外郎劉隱加金部郎中皆厚禮遣之始遣國人康戢肄業國學昭卒昭子伯權領國事九年遣使趙遵禮奉土貢兼聽朝旨授檢校太保餘如故太宗卽位加太傅改大義軍爲大順軍遣使其國所遣國人金行成就學於國子監太平興國二年遂登進士伯權遣子元輔貢良馬方物兵器并賀卽位三年又遣使貢方物兵器加伯權檢校太師遣使暨其國五年六月再遣使貢方物七年伯權卒以其弟治知國事遣使金全貢金銀線罽錦袍褥金銀飾刀劍弓矢名馬香藥求襲位授治檢校太保餘如故遼聖宗統和元年將親征高麗三年八月以遼澤沮洳罷師雍熙元年遣使

韓遂齡來貢方物契丹先伐女真路由高麗界上女真意彼誘導構禍因貢馬來告急訴言高麗與莽丹結好倚爲聲援剽掠其民不復放還太宗因出所上木莽以示遂齡歸白本國還其所俘之民治聞之憂懼二年加治太傅遣使其國三年宋師伐契丹以高麗境相連遣監察御史韓國華賫詔諭之至卽令人言本地雖與女真隣國而路途遐遠彼之情僞已素知之貪而多詐未可信也其後又遣人來告契丹兵已濟梅河本國猶疑不實未暇營救俄而莽丹雲集大擊女真殺獲甚衆餘族逃散契丹追捕及于本國西北境上俘擒而去雖聞師退猶憂不測女真勸本國控梅河津築治城壘以防遼之方令行視典功不意女真潛師奄至殺畧吏民驅掠丁壯沒爲奴隸轉徙他方以其歲貢中朝不敢發兵報怨豈期反相誣構以惑聖聽本國世

稟正朔踐修職貢敢有立心交通外國況契丹介居滄海之北復有大梅小梅二河之阻從河徑路以河往復構罹讒譏真鷹日月至明諒垂昭鑒間者女真逃難之衆罔不存恤亦有授以官秩其職位高者十數人尚在本國欲望召赴京闕與本國貢使庭辯其事則丹石之誠庶幾昭雪國華諾之命發兵西會治尚遷延屢經催督得報發兵而還具錄女真之事以奏月遣使朝貢又遣本國學生崔罕王彬詣國子監肄業亦登進士及第授將仕郎守秘書監秘書郎遣還本國端拱元年加治檢校太尉三年遣副使選官侍郎韓簡卿副使兵官郎中魏德柔來貢並授命紫光祿大夫判官少府丞李光水部員外郎湯僧如可紫衣所請大藏經亦與之淳化元年三月加治食邑千戶遣戶部郎中柴成務兵部員外郎趙化成往使二年治遣韓

彥恭來貢表求印佛經賜以御製秘藏銓逍遙詠蓮華心輪四
年正月復遣進奉使司忠柔孔目吏張仁銓貢方物并謝賜經
二月遣直史館陳靖秘書丞劉式爲使加治檢校太師仍降詔
存問軍吏耆老使回上表謝先是仁銓上書獻便宜思柔意其
持國陰事以告仁銓懼不敢歸至是詔還其國仍令釋罪治又
上表謝願賜板本九經用敦儒教許之仍賜衣段二百疋銀器
二百兩羊五十口五年六月契丹寇境遣使元郁來乞師朝廷
以北鄙再寧不可輕動干戈爲國生事但賜詔慰撫厚禮其使
遣還以待聖宗統和十年命東京留守蕭恒德伐高麗襲破其
境置典鐵通籠龜郭等六州十一年遣朴良柔奉表請罪臣服
于遼遼取鴨綠江東數百里地賜之自此連貢并上地圖問起
進鷹鵠者無虛時十四年表乞爲婚妻以恒德越國公主女

絕宋朝貢治卒告哀契丹遣使祭弔命姪訛權知國事至明年
冊弟誦爲王誦立嘗遣兵校徐遠候宋德音以路遠久不至咸
平三年其臣吏部侍郎趙之遴命牙將朱仁紹至登州以聞上
特召見因陳國人思慕王化爲契丹羈制之狀乃賜誦詔一函
六年遣戶部郎中李宣古來朝謝恩且言晉割燕薊以馬步并
遂有路趣玄菟屢來攻伐求取不已乞王師屯境上以牽制之
詔書優答大中祥符三年五月爲西京留守康肇所弒而立其
從兄詢權知國事契丹來伐擒肇等詢上表請朝契丹許之稱
臣如舊詔詢親朝稱病不赴契丹以爲貳已復遣使求六城不
許舉兵焚開京詢徙居昇羅州以避之亦調兵守六城契丹使
都統蕭排押副統蕭虛烈都監耶律八哥復伐高麗詢與女真
貢方物途乃釋詢罪七年方遣告奏使御事工部侍郎尹證古

以金線織成龍鳳鞍并綉龍鳳鞍幪各二幅細馬二疋散馬二疋
疋來貢宋賜詢詔書七通并衣帶銀綵鞍勒馬八年又遣御
事民官侍郎郭元來貢詔登州於海次置館以待使者元辭貌
恭恪粗有文采每受宴賜必自爲謝表朝廷待之亦厚九年辭
還賜詢襲衣金帶器幣鞍馬及經史曆日聖惠方等元又請錄
國朝登科記及所賜御詩從之天禧元年遣御事刑官侍郎徐
訥奉表獻方物兼賀封仁宗壽春郡王三年九月進奉使禮賓
卿崔元信入見貢罽錦衣褥烏漆甲金飾長刀七首罽錦鞍馬
絳布藥物等又進中布二千端求佛經一藏詔賜經還布五年
詢遣告奏使御事禮部侍郎韓旌等一百七十九人謝恩且言
契丹修好及乞陰陽地理等書並賜之乾興元年辭歸賜詢

真宗晏駕賞賜遺物天聖八年詢復遣使民官侍郎

元祐二年九月十三人奉表入見於長春殿貢金器銀罽刀劍
勒馬香油人參細布銅器磁黃青鼠皮等物明年三月辭歸
賜予有差遼太平二年詢卒又遣使冊子欽爲王九年賜欽禮
物十一年聖宗崩慰奠并會葬如儀興宗重熙以來朝貢者十
二及賀上徽號十五年八月欽卒欽子徽立其時不通于宋者
四十四年受契丹封冊奉正朔上朝廷及他文書有稱甲子者
歲貢幣丹至於六尚誅求不已常云高麗乃我奴耳南朝何以
厚待之使至其國尤倨暴館伴及公卿小失意輒行箠撻聞宋
使至必假他事來覘分取賜物嘗詰其修貢於宋高麗表謝其
略曰宋國三甲子方得一朝大邦周天每修六貢契丹悟乃
得免熙寧二年其國禮賓省移牒福建轉運使羅拯云本朝商
人黃真洪萬來稱運使奉密旨令招接通好奉國王旨意大略

以平壤邇于大遼附之則為睦隣疎之則為勁敵謹當遵尋故
道遊赴橐街今以公文附真萬西還俟得報音即備禮朝貢徽
又自言嘗夢至中原作詩紀其事朝議亦謂可結之以謀莽丹
神宗許焉命拯論意遂遣民官侍郎金悌等百十人來詔待之
如夏國使又以往時國人往反皆自登州今欲遠葬丹乞改塗
出明州從之郡縣供頓無舊準特詔立式頒下費悉官給及所
至禁止交關徽問遣二府甚厚以付市易售練帛答之又求醫
藥畫塑之工以教國人即詔拯募願行者九年復遣崔思訓來
命中貴人做都亭西驛例治館待之其使來者益多帝以其國
尚文每賜書詔必選詞臣著撰而擇其善者遣使必擇問學博
洽器宇整秀者召赴中書試文乃遣元豐元年假安燾陳睦左
諫議大夫起居舍人往聘造兩艦於明州一日凌虛安燾人遠

次日雲飛履漢皆名為神舟自定海絕洋而東既至國人歡呼
出迎徽具袍笏玉帶拜受詔加禮使者館之別宮標曰順天館
言尊順上國如天時徽已病僅能拜命還乞醫藥二年遣王舜
封挾醫診視徽復使柳洪來謝尋獻日本所造車曰諸侯不貢
車服故不敢與土貢同又獻伶官十餘輩曰土樂無足觀祇欲
潤色國史爾時遼興宗并太皇后崩道宗清寧以來遣使弔祭
會葬報哀遺留并朝貢十有二太康九年徽卒謚為文王在位
三十八年治尚仁恕為東裔良主然猶循其俗王女不下嫁臣
庶必歸之兄弟宗族貴臣亦然次子運諫以為既通上國宜以
禮革故習徽怒斥之于外朴開遣祭奠弔慰長子三韓公勳權
知國事百日亦卒謚為順王時遼大安元年冊勳子運為王仁
賢好文內行飭備每買客市書至則潔服焚香對之遣使謝遼

封冊朝貢不絕復遣其弟僧統朝宋求問佛法并獻經像神宗崩哲宗立遣使奉慰致賀請市刑法之書太平御覽開寶通禮文苑英華詔惟賜文苑英華一書以名馬錦綺金帛報謝立四年卒諡為宣王運子堯嗣以病不能為國請其叔父鷄林公熙權知國事遼封為三韓國公堯卒諡為懷王而熙乃立以避遼諱改名顯性貪吝好奪商賈利富室犯法輒久縻責贖雖微罪亦輸銀數斤時道宗崩天祚卽位遣使慰奠并賀元祐四年其王子義天使詣壽介至杭州祭僧言國母使持二金塔為兩宮壽知州種斌奏却之五年復遣使賜銀器五千兩七年遣黃宗愨來獻廣帝鍼經請市書甚衆軾已轉禮部尚書言高麗入貢無絲髮利而有五害今請諸書與收買金箔皆宜勿許詔許買金箔然卒市冊府元龜以歸元符中遣使賓貢徽宗立來

賀隨往報聘顯宗顯子俛嗣貢使接踵令士子金瑞等五人太學朝廷為置博士政和中升其使為國信禮在夏國上改引伴押伴官為接送館伴賜以大成燕樂邊豆篋簋尊彝等器至宴使者于睿謨殿時金兵起天祚乞兵高麗以禦金人責之宣和四年俛卒俛諸弟爭立其相李資深立俛子楷來告哀遣使奠慰楷因俛病嘗求醫宋遣立醫往留三年而歸詔之曰聞朝廷用兵伐遼遼兄弟之國存之則為邊扞女真吾敵也不可交願立醫歸報天子宜早為備至已無補及遼滅本國以事遼舊禮稱臣永金天輔二年詔論高麗國王遣李董求學賜馬一疋三年表賀并貢方物南渡初賀使至明州御史胡舜陟言高麗靡敝國家五十年政和以來人使歲至淮浙之間苦之及朝廷館遇燕賚賜予之費以億萬計矧四明距行都限一浙水宜留

館于彼納其貢幣至明年歸國高宗慮其交通金人窺我虛實命迪功郎胡蠡少卿良宗正使高麗以問之建炎二年浙東路馬步軍都總管楊應誠上言由高麗至女真路甚徑請身使三韓結鷄林以圖迎二聖乃假應誠刑部尚書充高麗國信使浙東帥臣翟汝文奏其欺罔祇爲身謀設若高麗辭以金人亦請問津以窺吳越其將何辭以對應誠已得命卽與副使韓衍書狀官孟健由杭州浮海抵其國諭意王楷有難色曰大朝自有山東路盍不山登州往對曰以貴國路徑耳已而命其門下侍郎傅佾至館言果一如汝文應誠曰女真不善水戰佾曰彼舊臣本國常於海道往來矧今強弱不敵又可止耶居數月復遣中書侍郎崔洪宰知樞密院金富軾持前議不變謂二聖今在無雲大朝百許未必可得惟有練兵與戰終不奉詔還言其狀

上謂楷負國恩怨甚右丞朱勝非曰彼鄰金人其內地隔海利害甚明曩時待之過厚今安能責其報也黃潛善尚欲以巨艦載精兵數萬徑擣其國勝非止之曰越海興師燕山之事可爲近鑒上怒稍解楷遣其臣尹彥順奉表謝罪詔以二聖未歸不宜燕樂祇設幕殿門外命客省官吳玘得地伴賜酒食中書舍人張澂押伴如禮遣還三年八月上語輔臣聞上皇遣內臣宮女各二人隨高麗貢使來朕聞之悲喜交集呂頤浩曰此必金人之意不然高麗必不敢安知非窺我虛實以報於是詔止之紹興二年閏四月楷遣禮部員外郎崔惟清閣門祇候沈起貢金銀綾羅人參上御後殿引見賜使臣金帶答以溫詔遣還時四明殘破民亡入高麗禮部侍郎柳約恐起貳心奏屯重兵以備之高麗綱首卓榮等言定海縣亡民八十餘願奉表還國詔候

到日量與推恩十二月間高麗遣知樞密院事洪彝叙等六十
 五人來貢議館於臨安府學言者謂特雖有變不可無學遂改
 洪惠寺為同文館以待之然卒不至六年高麗持牒官金雅圭
 至明州朝廷懼其為間承賜銀帛遣還孝宗即位守臣韓仲通
 奏綱首徐德榮詣明州言本國欲遣賀使侍御史吳芾言方今
 兩國交兵德榮之請得無可疑使其果來猶恐不測萬一不至
 貽笑遠近詔止之隆興以後使命遂絕金皇統二年加楷州府
 儀同三司上柱國六年卒子峴嗣位大定十年弟翼陽公皓發
 峴自立金移文詳問報告前王久病昏耄不治讓國于皓金遣
 吏部侍郎靖至本國宣問峴已避位出居他所竟不得見而還
 皓遣禮部侍郎張翼明來請封十二年遂賜封冊十五年高麗
 西京留守趙位寵叛遣人上表稱前王本非讓位實大將軍

將李義方弑之願奉慈慈嶺以西至鴨綠江因李餘
 內屬請兵助援世宗却之未幾王皓定其亂遣使奏謝承安三
 年皓表自陳衰老以國讓其弟暉是歲皓卒暉嗣立泰和四年
 卒子諤嗣立至寧元年八月卒嗣子未及請封會宣宗遷汴遼
 東道路不通貞祐以後僅一再見而已康誡字休祐信州永
 寧人父允三世為兵部侍郎諤少好學登宋進士授大理評事
 知湘鄉縣遷著作佐郎知江陰軍江州歷官以清白幹方聞改
 太常博士蘓易簡稱其吏才命為廣南西路轉運副使賜緋魚
 再轉度支員外郎戶部判官出知峽越二州連破詔褒其能政
 進西京轉運使工部郎中賜金紫所至奸行事上章建白以竭
 誠自任卒真宗補其子希齡太常寺奉禮郎給俸終喪金行
 成累官至殿中丞自以筮仕朝廷不願歸本國其父母垂老尚

在海外恨祿不及旦暮思念令工圖其像置正寢已與妻史氏居旁室晨夕定省上食未嘗少懈淳化初通判安州被病泣言於知州李範以未報主恩為恨二子宗敏宗訥皆幼家素貧無他親可依範表其事未幾行成死其妻誓不嫁織屨以給詔補宗敏太廟齋郎令安州月給錢米長吏歲時存問 王氏為國非昔日高氏之舊世居開州蜀莫郡曰開成府依大山置宮室立城壁名其山曰神嵩以新羅為東州樂浪府號東京百濟為金州金馬郡號南京平壤為鎮州號西京西京最盛總之凡三京四府八牧郡百有十八縣鎮五百九十洲島三千七百郡邑小者或只百家男女二百十萬口兵民僧各居其一氣候少寒多暑山宜松柏少絲蠶多衣麻紵無羊豕棠駝水牛并驢土宜黍麻麥而無秫以菰為酒地之產 并勝席白砥紙鼠狼星

王出紫衣前導捧讀國仁王經以臣民曰王上曰曰嚴公后妃曰宮女言名兩頰與中朝相類新羅金李姓為貴無官者以世族子為內侍六衛歲十二月朔王坐紫門小殿注宮外官則付國相有國子監四門學學者多尚聲律少通經問歲貢士三等王城曰土貢郡邑曰鄉貢他國曰賓貢分進士算學諸科中僅三四十人王親試以詩賦論三題謂之簾前重試登第不過一二十亦有闕人因賈舶至者密試其所能誘以祿仕強留終身朝廷使至有陳牒來訴者則取以歸國無私田民計口受業祿俸皆給田死乃拘之王亦有分地以供私用王母妃主世子皆受湯沐兵器疎簡無羸弩大刀民十六以上隸軍籍不隸而選戍西北半歲而更有警則執兵有事則服勞事已復歸農上下以賈販利入為事貿易用米布地產銅器皿悉

用然不知鑄錢崇寧後始學鼓鑄有海東通寶重寶三韓通寶三種錢慶元間詔禁絕之商人不許持錢入高麗素尚釋教雖王子弟常以一人為僧信鬼拘陰陽病不相視歛不撫棺歲以建子月祭天國東有大穴號神隧常以十月望日迎祭謂之八關齋禮儀甚盛王與妃嬪登樓張樂宴飲賈人曳羅為幕三歲大祭祠遍其封內祖廟在國門之外每歲正月一日五月五日親祭又正月七日家為王母像戴之王城有佛寺七十區而無道觀大觀中遣道士往乃立福源院置羽流十餘輩二月望僧俗燃燈如內國上元倫上巳日以青艾染額為盤羞端午有鞦韆戲俗不知醫自王使請醫後始傳其術人首無枕骨背屈側士女服尚素男子巾幘如唐裝婦人鬢髻垂若肩餘髮被下約以絳羅貫之簪旋裙重疊以多為勝夏月同剃而浴婦人僧尼

皆男子拜自為夫婦者不禁樂聲甚下無金石之音既受中饋賜乃分為二部左曰唐樂中朝之音右曰鄉樂故所習者堂上設席升必脫屣見尊者則膝行跪應其拜無不答雖子猶半受其禮性仁柔不屠宰欲食羊豕則包以蒿而燔之刑無慘酷之科外郡悉送王城歲以八月減囚死罪貸流諸島累赦賦輕重原之自明州定海遇便風三日入洋又五日抵墨山入其境自墨山過烏嶼詣曲礁石間舟行甚駛七日至禮成江江居兩山間束以石峽湍激而下所謂急水門最為險惡又三日抵岸有館曰碧澗亭使人由此登陸崎嶇山谷四十餘里乃其國都兵冊曰周家八百朝鮮過之內孽不生唐何能為王起唐末歷宋遼金至元相傳何古何今

弘簡錄卷一百五十四

明刑部員外郎仁和弘齋邵經邦

皇清翰林院侍講學士四世孫遠平校閱

附載 西夏

思恭

以下子

繼遷

德明

元昊

諒祚

秉常

乾順

仁孝

子純祐
姪安全

遵頊

子德

西夏之先本魏拓跋氏唐貞觀初有拓跋赤辭者歸附太宗賜
姓李罷靜邊等州以處之其後所居夏州者號平夏部至僖宗
朝以拓跋思恭為靈夏節度使統銀夏綏宥靜五州時諸鎮兵
起與元鳳翔邠寧鄜坊河中同華相與交爭獨靈夏未嘗為患
亦無大功朱致之亂思恭與鄜州李思孝皆以兵屯渭橋其後
同王重榮李克用等破黃巢復京師思恭與焉及卒弟思諫代

領鎮賜名定難軍思諫卒思恭孫彝昌嗣梁開平中偏將高宗益作亂被殺將士立其族子蕃部指揮使仁福拜檢校司空定難軍節度使奉梁正朔北通契丹始爲邊患岐晉數會兵攻之梁輒出兵以救後位檢校太師兼中書令封朔方郡王卒其子彝超自立爲留後邊將多以爲言明宗因收任延州刺史彰武軍節度使而徙彰武安從進往代恐彝超不受遣邠州藥彥稠以兵五萬送之鎮彝超果拒命從進與彥稠以兵圍之夏州城壁白赫連勃勃蒸土所築堅如鐵石穴不能入且外招党項抄掠糧道道路愁苦詔釋不攻仍以爲本軍節度卒立其弟行軍司馬彝殷改名彝興加檢校太師領節度使晉初加同平章事開運初契丹授西南招討使漢初加兼侍中周加中書令封西平郡王世宗加太保恭帝加太傅宋初加太尉時北漢劉鈞請

代北諸部寇麟州彝興遣部將李彝玉會諸鎮兵禦之鈞遂引去建隆初獻馬三百匹太祖大喜賜以玉帶乾德五年卒廢朝三日贈太師追封夏王子克睿自權州事初名光睿授檢校大保本軍節度使開寶九年率兵破北漢吳堡砦斬首七百級獲牛羊千計俘砦主侯遇以獻累加檢校太尉卒廢朝二日贈侍中子繼筠自權州事初爲衙內都指揮使檢校工部尚書授檢校司徒本軍節度觀察留後太宗征北漢繼筠遣銀州刺史李光遠綏州刺史光憲率蕃漢兵列陣波河畧太原以張軍勢卒子繼捧襲初附于遼授開府儀同三司太平興國七年率其族人入朝太宗嘉之曲赦銀夏管内賜白金千兩帛千疋錢百萬祖母獨孤氏亦獻玉盤一全盤三皆厚賚之因陳自上世以來宋嘗親覲諸父昆弟多怨之者詔留京師乃遣使夏州護總麻

已上親赴闕授以彰德軍節度使併官其昆弟夏州蕃落指揮使克信等十二人有差嘗侍上宴見其狀貌雄偉問汝在夏州以何道制諸部對曰蕃人驚悍但羈縻而已非能制也弟權知夏州克文亦來朝上其祖思恭唐僖宗所賜鐵券及朱書御札改博州防禦使時族弟繼遷數為邊患朝廷疑繼捧漏泄機事端拱初出之崇信軍遣克文歸博州並遷常參官為通判以專制之又收威德軍宋兵屢討繼遷不克從趙普計令繼捧圖之委以邊事賜國姓趙氏名為保忠授夏銀綬宥靜等州觀察處置押蕃洛等使賜金銀器并五州錢帛芻粟田園辭曰夏長樂殿賜襲衣玉帶銀鞍馬錦綵銀器從行皆錦袍銀帶馬百匹二年加特進同平章事與繼遷戰于安慶澤中以流矢繼遷題額于朝遣商州團練使翟守素與繼遷戰于

子壁野外上言與繼遷解怨獻馬五十四匹乞罷兵帝覽奏立遣中使督繼隆進軍壓境繼遷反圖保忠縛牙校趙光祚欲併其眾保忠方寢聞兵來襲悉棄輜重單騎走還城為大校趙光嗣聞於別室旦開門迎繼隆執保忠送闕下帝詰責數四釋之謫授右千牛衛上將軍封有罪侯賜第京師削所賜名居環列奉朝請常快快不自得咸平中內艱起復遷金吾衛上將軍判岳州移復州景德元年卒贈威塞軍節度使克文卒贈岳州防禦使子永哥不肖授永州別駕天禧四年錄孫從吉為三班奉職繼遷高祖名思忠亦與黃巢相拒渭橋表有雙鶴射之沒羽賊駭其力以戰沒僖宗贈宥州刺史祠于渭陽曾祖仁顏為銀州防禦使祖彝景嗣于晉父光儼嗣于周以建隆四年生繼遷于

銀州無定河開寶七年授定難軍管内都知蕃落使繼捧歸宋時年二十與其黨數十人詐言孔母死出葬于郊奔入地斤澤距夏州東北三百里從者日衆太平興國八年知夏州尹憲與都巡檢曹光實偵知夜以兵襲斬首五百級焚四百餘帳繼遷遁免獲其母與妻連娶豪族轉遷無常漸以強大西人多往歸之因召其豪右謂曰李氏世有西土代著恩德今一旦絕之痛思日夜不忘爾等能從我興復乎衆咸曰諾遂與弟繼冲起夏州破丑重遇貴張浦李大信等詐爲降順誘殺曹光實襲銀州據之雍熙二年三月破會州焚城郭而去遼聖宗統和中屢遣使朝貢請婚許之嫁以義成公主授特進檢校太師都督夏州諸軍事尋冊爲夏國王宋知夏州安守中引二萬衆與戰于王鎮敗績繼遷追至城門而返端拱初僞以以門殺洛死使西

南巡檢銀州觀察等使賜姓名趙保吉子德明爲行軍司馬管內蕃落使淳化四年運副鄭文寶議禁鹽池困之數月虜人四十二族萬餘騎寇環州小杭堡太宗遣錢若水弛其禁囚撫慰之五年正月繼遷徙綏州民于平夏衆不樂部將高文邲等來攻繼遷敗之復圍堡若掠居民焚積聚遂攻靈州詔遣李繼隆等進討七月遣弟延信獻馬駝入謝撫資甚厚詔內侍張崇貴諭賜茶藥器幣衣物至道初遣都押衙張浦等獻豪駝良馬從上於後園觀衛士翹闕超乘引疆尊梁背拓兩石弓帝笑問曰蕃人敢敵否浦對蕃部弓弱矢短隱然有不敢當之意拜爲鄭州團練使留京師繼遷乞禁邊盜掠且言文寶誘其部長鬼囉鬼悉復引三千騎寇清遠軍守臣張延擊退之二年春轉輸芻粟四十萬于靈州命洛苑使白守榮將車先後作三隊布方陣

以護丁夫守榮違命併為一運繼遷邀擊于洛浦河衆潰掠取
所運太宗聞之怒九月部分諸將五路進討繼隆出環州丁罕
出慶州范廷召出延州王超出夏州張守恩出鄜州繼隆以環
州路迂由青岡峽遠靈武徑趨平夏兵行數日與罕合又行十
餘日無所見引還守恩遇之不戰而遁諸將失期士卒困乏繼
遷復令軍主史不能屯橐駝口以阻歸宋人繼隆遣田敏等擊
之咸平春真宗加邑千戶實封二百戶益功臣號放張浦還遣
弟繼瑗謝恩授亳州防禦使封母衛恭氏衛國太夫人未幾復
抄邊四年麟府副部署曹聚率熟戶兵邀繼遷輜重于柳撥州
殺獲甚衆九月破定州懷遠縣及保靜永州清遠監軍段義叛
賊遂陷五年三月大集蕃部攻陷靈州改名西平府建為都太
平春徙居之遼封為西平王詔遣張崇義于涉議和割與

銀夏等五州六月復引二萬騎圍慶州金明巡檢李繼隆
之上因閱地圖見麟州依險三面孤絕方憂城中乏水適曹聚
請濟師詔發并代石隰州兵走授賊果據水砦知州衛居實出
奇兵突戰繼勇士上下鼓噪矢石如注殺傷萬餘人始拔去又
率衆攻西蕃取西涼府都首領潘羅支偽降密集六谷蕃部及
者龍族合擊之繼遷大敗中流矢八月復聚兵洛浦河聲言攻
環州詔張凝等分兵以待未幾卒年四十二遼贈尚書令遣使
弔祭于德明廟追尊號應運法天神智仁聖至道廣德孝光
皇帝廟號武宗妻野利氏開號順成懿孝皇后元昊追諡神武
廟號太祖墓號裕陵 德明小字阿移幼曉佛書遼史名德昭
聖宗時封夏國王宋賜詔撫慰令審圖去就又詔蕃族萬山萬
遇龐羅逝安軍主吳守正馬尾等能率部下歸順者授團練使

銀萬兩絹萬疋錢五萬緡茶五千斤其有亡命叛歸者釋罪詈
錄既而據奴移移等率屬來降德明遣牙將王晏奉表歸順詔
侍禁夏居厚慰答之因諭河西蕃族各守疆場三年復遣牙將
劉侔勸奉誓表并將其父遺命帝嘉之授特進檢校太師兼侍
中持節都督夏州諸軍事行夏州刺史上柱國充定難軍節度
夏銀綬宥靜等州管內觀察處置押蕃落等使西平王食邑六
千戶食實封一千戶仍賜推忠保順亮節翊戴功臣遣內侍都
知張崇貴太常博士趙湘等充旌節官誥使賜襲衣金帶銀鞍
勒馬及銀絹錢買茶各鉅萬給其俸如內地責令子弟入質以
并故事不遣祇遣使者謝恩獻御馬并散馬駝四年又獻馬駝
謝給俸廩請至京市所需物從之五月母罔氏薨遼宋遣使弔
祭贈物護葬起復鎮軍大將軍餘如故德明以樂迎官誥至

對使者自陳感恩各遣使謝復獻馬助修葺
天書降加賜守正功臣益食邑千戶實封四百戶
勿禁西人市糧以振其乏東封遣使來獻禮
成加兼中書令益食邑如前數時遼亦遣使冊為大夏國王
大起宮室拜斂子山明年出使回暢懼恒星書見而還三年境
內饑吐表求粟百萬宋大臣皆以德明新納誓而敢違約請加
督責帝用王旦策而止西攻河與甘州宗哥族及秦州緣邊熟
戶出大聖河築柵蒼耳平祀汾陰進中書令聖祖降加守太保
謁太清宮遣使來獻方物加宣德功臣祥符八年築堡于石州
濁輪谷將建榷場詔止之九年表邊臣自向敏中張崇貴之後
罕守舊制邀功生事致違舊約綏延涇原等界擅舉兵甲入臣
境土其有叛亡部族劫掠主財去者百無十回臣之邊吏亦務

藏藏俱失奏論詔令五路各守約束毋相攻劫其有隱蔽逃
畫時勘送及本國宜戒部下各遵紀律以守封疆天禧元年加
守太傅三年春丁繼母憂起復如前遣使弔祭冬郊祀又加崇
仁功臣四年遼主親將兵五十萬以狩獵為名來攻涼州德明
帥眾逆拒敗之五年遼復遣金吾將軍蕭孝誠賞玉冊金印拜
為尚書令乾興元年加純誠功臣每歲且聖節冬至皆遣牙校
來獻加恩官詔又遣內臣就賜衣金帶金花銀匣銀沙羅盆
合于兩錦綵手足金塗銀鞍勒馬副之以纓及賜冬服頒儀天
曆二年攻麟州柔遠若巡檢楊承吉戰不利命曹瑋安撫禦備
俄城懷遠鎮為興州以居仁宗即位加尚書令凡娶三姓衛慕
氏生元昊咩迷氏生成嵬天聖八年火星入南斗九年卒年
十一

諡光聖皇帝廟號太宗慕號嘉陵宋贈太師

帝書令遣使祭奠帝與太后成服于苑中賜絹布合于正副

上醞羊米麵將葬賜物稱是皇太后賜亦如之 子元昊立

字嵬理 國語謂惜為嵬富貴為理後收曩霄性雄毅多大畧善繪畫曉浮圖

能剗製物始學通蕃漢文字案上嘗置法律并携野戰歌太乙

金鑑訣少時圓面高準身長五尺餘好衣長袖排衣冠黑冠佩

弓矢張青蓋引以二旗從百餘騎弱冠獨引兵襲破回鶻夜洛

隔可汗奪其甘州自為太子數諫其父臣宋父謂用兵已疲妻

族三十年荷宋恩衣錦綺不可有負元昊奮曰英雄之生當王

霸耳且蕃性所便裘皮毛事畜牧何錦綺為遼初妻以興平公

主為駙馬都尉後封王宋遣使副賀旌節官詔勳爵皆如故襲

封後明號令以兵法勒諸部始衣白窄衫羶冠紅裏前後垂幅

結綬穿靴自號嵬名吾祖凡見官屬用六九日其官分文武班

結綬穿靴自號嵬名吾祖凡見官屬用六九日其官分文武班

如中朝制有中書樞密三司御史臺開封府翊衛司官計司受
納司農田司羣牧司飛龍院磨勘司文思院蕃學漢學皆分命
蕃漢人爲之文資則幘頭鞞笏紫緋衣武職則冠金帖起雲鏤
冠銀帖間金鏤冠黑漆冠禿髮耳重環衣紫旋襪六襲金塗銀
束帶墜蹀躞佩解結錐短刀矢韞馬乘靛皮鞋垂紅纓打跨釵
拂便服則紫阜地繡盤毬子花旋襪束帶民庶青緣以別貴賤
每舉兵必率部長與獵下馬環坐割鮮飲酪各問所見擇取其
長明道改元以避父諱國稱顯道景祐初攻環慶路殺掠居人
下詔約束毋薨冊諡惠慈敦愛皇后遣使弔贈并起復官告於
慶州柔遠砦蕃部巡檢鬼通攻破後橋諸堡元昊稱兵報仇敗
緣邊都巡檢楊遵柔遠砦監押盧訓兵七百于龍馬嶺環慶都
監齊宗短走馬承受趙德巨寧州都督王文來援反爲首

之放歸二年加兼中書令遣兵二萬攻唃廝囉敗死略盡乃自
率衆攻猫牛城一月不下詐爲約和開城縱殺又攻青唐安二
宗哥帶星嶺諸城唃廝囉部將安子羅以兵絕歸路晝夜角戰
二百餘日子羅敗遂取瓜沙肅三州旣還欲南侵恐唃廝囉制
其後復舉兵攻蘭州諸蕃侵至馬衙山築城凡川於是悉有夏
銀等十四州洪定威龍四鎮兵總五十餘萬自居興州鎮守興
慶府兵七萬阻黃河依賀蘭山爲固駐兵五萬靈州亦如之始
大建官以鬼名守全張陟張絳楊廊徐敏宗張文顯各主謀議
鍾鼎臣典文書成通克成賞都臥都如定多多馬寶惟吉主兵
馬野利仁榮主蕃學置十二監軍司委豪右分統其衆自河北
至午臘蕩山兵七萬以備莽丹河南洪州白豹安鹽州羅落天
都惟精山等兵五萬以備環慶鎮戎原州左廂宥州路兵五萬

引信錄 卷一百一十四
以備廊延麟府右廂甘州路兵三萬以備西蕃回紇選豪族善
弓馬五千人迭直號御圍分六班每月三蕃以爲宿衛鐵騎三
千列爲十部發兵以銀牌召部長面受約束設十六司于興州
以總庶務又自制蕃書教國人紀事用之命野利仁榮演成十
二卷字形體方正類八分而畫頗重復譯孝經爾雅四言雜字
爲蕃語宋寶元初表遣使詣五臺山供佛實欲窺河東道路與
諸豪歃血約先攻廊延欲自靖德塞門砦赤城路與道並人是
歲改元太歲築壇受冊卽皇帝位時年三十遣潘七布昌里馬
乞點兵集蓬子山自詣西涼府祠神明年遣使上表以十月十
一日郊壇備禮自立爲世祖始文本武興法建禮仁孝皇帝國
號大夏建年天授宋詔削奪官爵互市揭榜邊人能生擒若斯
言獻者卽授本軍節度使夏遣賀永年齎娼書納旌節及所授

敕告康定元年環慶路鈐轄高繼隆知慶州張崇俊交後
遠砦主武英入北門拔之未幾夏人攻金明砦執都監李士彬
父子破安遠塞門永平諸砦圍延州設伏三川口執劉平石元
孫傅假劉發石遜等又攻鎮戎軍敗劉繼宗李緯兵五千環慶
部署任福入白豹城焚其積聚破四十一族慶曆元年二月攻
渭州逼懷遠城韓琦發鎮戎兵及勇士萬人命任福等併擊之
夏人已過懷遠東南遂設伏于好水川與籠洛川相離五里元
昊自將精兵十萬營于川口僞於道傍置銀泥盒數枚封襲謹
密都監桑懌聞其中有動躍聲疑莫敢發福至發之有懸哨家
鶻百餘自盒中起盤飛軍上夏兵四合忽於陣中豎鮑老旗長
二丈餘懌等莫測旣而揮右則右伏出揮左則左伏出翼而襲
之宋師大敗懌與福等皆戰沒關右震動秋夏人轉攻河東及

麟府不能下反攻豐州據之又破寧遠砦屯要害以絕麟府餉道管勾麟府軍馬張元破之于柏子陂兔毛川築十餘柵河外始固自是雖數勝然死而創痍者相半國人困於黠集財力不給皆怨有十不如之語僞請通和歸塞門砦知延州范仲淹爲陳禍福作書往喻復使親信野利旺榮等語猶慢是歲夏境鼠食稼且旱代知延州龐籍令知保安軍劉拯諭旺榮許以西平砦土知青澗賊种世衡遣王嵩詣見本館知渭州王沿總管葛懷敏使僧法海持書而往乃出嵩回教練使李文貴至青澗城自言用兵以來資用困乏籍疑其欺召軍留之三年復大入戰于定州宋師大敗懷敏死之直抵渭川焚掠而去詔籍招納籍遣文貴還川餘復賞其臣榮旺旺令嵬名瓌三人書來

僞語不肯削僭號謂如日方中止可呵天西行安可逆天

東下籍以其言未服乃令自請詔籍復書許之明年遣伊州刺史賀從勛與文貴俱來稱男邦泥定國兀卒上書又大宋皇帝而不稱臣議者謂蕃語兀卒卽吾祖以爲侮玩朝廷不可許詔遣邵良佐王正倫等更往議夏亦遣加定聿捨張延壽楊守素等繼來四年始上誓表進納本國城砦其栲栳鎌刀南安承平故地及他邊境蕃漢所居乞畫中爲界於內聽築城堡凡歲賜銀綺茶絹二十五萬五千乞如常數臣不復以他相干詔書諭答遣祠部員外郎張子奭充冊禮使副以祗候張士元賜對衣金帶銀鞍勒馬銀絹茶合七萬冊用漆書竹簡籍之以錦金塗銀印文曰夏國主印約稱臣奉正朔改所賜勅書爲詔而不名許自置官屬使至京就驛買賣宴坐朶殿使至其國相見用賓客禮置權場于保安軍及高平砦但不通青鹽後每遣使往館

于宥州終不復至與靈其國中稱帝自若是歲遼夾山部落呆
兒族八百戶叛歸之興宗責還元昊不遣遂自將騎兵十萬出
金肅城弟天齊王馬步軍大元帥將騎七千出南路韓國王蕭
惠將兵六萬出北路三路濟河長驅入夏境四百里不見敵興
宗據得勝寺南壁以待八月五日韓國王自賀蘭北與元昊接
戰數勝之遼兵至者日益夏乃請和退十里韓國王不從如是
退者三凡百里餘每退必縶其地遼馬無所食因許和夏乃遷
延以老其師伺馬有病急攻敗之復攻南壁興宗大敗入南樞
王蕭孝友嘗擒其鶻突始附馬興宗從數騎走其生五月五日
國人以其日相慶賀又以四孟測為節凡五娶與遼主不和次
宣穆惠文皇后沒藏氏生諒祚三憲成皇后野力氏四妃沒嚙
氏五索氏殂時年四十六在位十七年改元開運

慶元天授禮法延祚十一諡曰武烈皇帝廟號景宗墓號泰陵
牙連使祭奠弔慰賜絹布土醜羊麵米加德明三之一及葬仍
賜絹餘如初賻長子諒祚方期歲立小字審令哥國語嘉祐
元年宋遣使方加冊禮其母亦薨遣使弔祭故諒祚幼養于母
族訛龐因專國政初麟州西城紅樓下曠屈野河其外距夏境
尚七十里而阻腴利厚多入訛龐歲東侵不已管勾軍馬司賈
逵微循覓所侵則督責邊吏麟州守王亮懼以事聞詔命殿直
張安世賈恩為同巡檢經制之訛龐專為譟言無歸意迫之則
格圖緩之則歸耕二年乃圍兵數萬宿境上逮三月恒斂兵弗
戰知麟州武戡率將吏往按視遇敵于沙鼠浪合戰自旦至食
時夏人四面合擊戡衆大潰走管勾郭恩承受黃道元監押劉
慶等被執安撫司遣李思道孫兆往議疆事訛龐復驚不聽久

之代州兵馬鈴轄極安靜得夏國呂寧拽浪捺黎來合議乃築
城九更新邊禁要以違約則罷和市自此始定俄有告訛麗將
叛諒祚因討殺之滅其族嘉祐六年上書自言慕上國衣冠請
去蕃禮從漢儀詔許之又表求太宗御製草詩隸書石本且進
馬求九經唐史冊府元龜及宋正至朝賀儀詔賜九經還所獻
馬時改西壽監軍司為保春軍石州監軍司為靜塞軍韋州監
軍司為祥祐軍左廂監軍司為神勇軍遣人獻方物稱宣徽南
院使詔論非陪臣所宜稱成其僭擬使遵誓詔治平初求復權
賜不許既而遣吳宗等來賀英宗即位詔令門見不從使者至
順天門欲佩魚及儀物自從引伴高宣不能禁留止廐置一夕
絕其供饋宗請不遜折之良久乃聽及賜食殿門又訴於押
伴張觀命還赴延州與官辨宗度理屈不

紂之是秋夏人出兵秦鳳涇原抄熟戶擾邊宗遣使
畜以萬計程戡王素孫長卿論安諸族首領防誘脇散放遣
思副使王無忌齋詔問之諒祚遷延弗受已而因賀正使蒞
先獻表歸罪宋邊吏三年遂大舉攻大順城分兵圍柔遠砦
屈乞村柵戾木嶺州兵熟戶蕃官趙明合擊退之遣西京左藏
庫副使何次公詰問三月乃獻方物謝罪賜絹銀各五百疋兩
神宗即位遣崇班魏瑛賜以治平三年冬服銀絹遣使告哀并
賜遺留物秋使者來奉慰及進山陵助物冬種諤取綏州因發
兵夜掩襲名山帳脇降之諒祚怒許為會議誘殺知保安軍楊
定都巡檢侍其臻等邊吏以聞命韓琦經畧之乃錮送殺定者
李崇貴韓道善至則言定奉使時常拜舞稱臣且許以歸沿邊
熟戶諒祚遺之寶劍寶鑑及金銀物定歸抵上劍鑑匿其金銀

言諒祚可刺帝喜擢知寶安夏以失綏州爲定賣已罪先在定故殺之帝薄崇貴等罪而削定官沒其田宅遼興宗重熙十九年遣使問罪殿前都點檢蕭迭里得與戰于三角川敗之招討使蕭蒲奴等入夏境不遇敵縱兵俘掠而還諒祚上表如母命乞依舊稱臣入貢二十一年遣使乞弛邊備清寧元年遣使賀道宗卽位十二月諒祚殂年二十一改元延嗣寧國一年天祐垂聖三年福聖承道四年鄯都六年拱化五年共二十年諡曰昭英皇帝廟號毅宗墓號安陵長子秉常卽位年七歲母曰恭肅章憲皇后梁氏尊爲太后攝政熙寧二年遣使冊爲夏國王三月入秦州陷劉溝堡殺范愿初朝議欲官爵夏之首領計分其勢郭逵以爲必不受詔且彼旣恭順宜布大信不當誘之

以圖不幾果遣都羅重進來言上方以孝治天下奈何反欲小

國之臣叛其君哉於是罷前議旣而奏請以安遠塞門二砦綏州賜以誓詔待得二砦交還綏州夏遣因訛訛來言欲先得綏及趙鹵往交地萌訛對以朝廷本欲得二砦地界非所約鹵曰若然祇二端墟耳安用之議亦罷故綏州復賊是歲遣使來謝封冊因請去漢儀復用蕃禮三年五月夏衆十萬築閘訛堡知慶州李復圭合蕃漢兵纔三千遣偏將李信劉甫神詠等出戰辭言衆寡不敵復圭威以節制親畫陣圖方畧授之信等大敗復圭劾其故違節制誅歿死斬信甫配流郭貴復欲自解出兵邛州堡夏人已去夜入欄浪市掠老幼數百殺之復襲金湯以功告捷由是邊怨大起八月夏遂大舉入環慶攻大順城柔遠砦荔源堡淮安鎮東谷西谷二砦并業樂鎮兵多者號二十萬少者一二萬屯榆林距慶州四十里游騎至城下九日乃退

崇其爵賞敢有違拒者誅九族八月憲總七軍及董璠兵三萬
至新市城戰敗夏人中正提河東兵六萬出麟州禡辭自言皇
帝親征行纔數日即奏已入夏境屯白草平九日不進高遵裕
將部騎八萬劉昌祚將卒五萬出慶州禡將鄜延及慶內兵九
萬出綏德城遂圍米脂斬夏援兵五千級十月克之進攻石州
遇大雪遂潰入塞者纔三萬人中正渡無定河地皆沙濕土馬
多陷沒死二千餘遂趨夏州至宥州柰王井糧盡民皆潰散無
所得引還遵裕攻靈州夏人決黃河灌營抄絕餉道士卒凍溺
死餘兵萬二千歸遇夏人追戰將官俞平死之昌祚遇夏人二
三萬拒于磨齊隘乃分兵渡葫蘆河奪其隘與統軍國舅弟梁
大王戰大破之憲營天都山下焚其南牟內殿并館庫迺襲取
統軍仁多陵丁擒百人遂攻師土原

樂會編

會至鳴沙川三戰收績梁太后初聞大舉問于老將策將安
對曰不須拒之但堅壁清野縱其深入我惟聚勁兵十靈夏而
遣輕騎絕其餽運大兵無食可不戰而困也梁后從之至是果
無功五年正月遼使遣書稱宋兵起無名不測事端神宗報以
乘常受宋封爵爲母黨因辱比今移問事端其同惡不報繼又
引兵侵犯邊界義當有征今彼屢遭敗衄故遣使詭情陳露意
在問貳想彼必已悉察夏人間此遂不至五月沈括請城古烏
延城以包橫山使夏人不得絕沙漠遂遣徐禧李舜舉往議禧
請更于銀夏宥之界築永樂城永樂接宥州附橫山夏人必爭
之地且依山無水泉誇極言不可禧率諸將竟城之賜名銀川
砦九月夏兵三十萬來爭縱鐵騎渡河號鐵鷁子宋兵被衝突
敗績將校寇倬李師古高世才夏儼程博古皆死詔令括還水

樂地約退軍及縣門潰奔歸于城者三萬人皆沒夏圍兵厚數里將士晝夜血戰城中乏水復渴死大半援兵及餽運皆為所隔夏人呼珍來講和呂整景思義相繼行思義為所髡而囚之夜半環城急攻遂陷諸將皆死惟曲珍王湛李浦呂整裸跣走蕃部指殺馬貴獨誓死持刀殺數十人而沒是役也死者將校數百士卒役夫二十餘萬夏乃耀兵米脂城下而還帝臨朝痛悼自此夏人亦困弊其西南都統地星寇名濟移書昌祚以為聽誣受間肆詐窮兵垂上國之禍為外邦之羞祖宗之盟既阻君臣之分不交存亡之機發不旋踵何不進讜言闢邪說使朝廷與夏國歡好如初生民重見太平不勝天下大幸昌上其書帝諭答之六年二月復大舉圍蘭州奪兩關門鈴

集化士七百夜鎗下城持兵突營遂拔五月

自歷世以來貢奉朝廷無所虧怠至於近歲尤甚歡和不意論人誣聞朝廷特起大兵因茲構怨今乞示以大義特還所侵餉垂開納別効忠勤詔答項以權強敢行廢辱朕則定驚令邊臣往問匿而不報至師徂徠蓋討有罪今遣使造庭辭禮恭順仍開國政悉復故常益用嘉納已戒陝西河東經畧司毋輒出兵賜一切如舊七年正月圍蘭州李憲戰却之六月攻德順軍巡檢王友戰死九月圍定西城燒龕谷族帳十月攻至靜邊鈴轄彭孫敗之殺其首領仁多陵下十二月攻清遠隊將白玉李貴死之八年神宗崩賜以遺留物遣使奠慰及進助山陵禮物復攻葭蘆供奉王英戰死國母梁氏薨冊諡昭簡文穆皇后亦遣

附載西夏

祭奠弔慰復以遺留物來進元祐元年二月遣使入貢五月來
賀哲宗卽位六月復遣使求所侵蘭州米脂等五砦蘄轍與司
馬光言此邊鄙安危之機不可不察靈夏之役本由我起新開
數砦皆是彼田今旣許其內附豈宜靳而不與若是則恭順無
益彼必以武力取之小則上書悖慢大則攻陷新城當此不得
已而與之其爲國家之耻無乃甚乎特異議者衆惟文彥博與
光合遂從之是秋七月遂殂年三十六遣使祭奠弔慰在位改
元乾道二天賜禮盛國慶五大安十一天安禮定一凡二十年
諡曰康靖皇帝廟號惠宗慕號獻陵長子乾順三歲卽位元
祐二年正月勳爵皆如故三月遣使進馳馬以謝七月攻鎮戎
諸堡劉昌祚等禦退之三年三月攻德靖砦將官張誠等擊
之又寇塞門寨諸將米贊邦普跋及詔昌祚以涇原萬人

驅軍入河五千駐通遠軍據秦鳳要害以爲犄角遂攻龕谷砦
砦兵及東關堡巡檢等戰不利死者幾百人四年遣使來賀肆
成興龍二節并正旦六月歸永樂所掠吏士百四十九人詔以
葭蘆米脂浮圖安疆四砦還之遣崇儀使董正叟如京使李玩
柙賜生日禮物及冬服五年六月復以畫疆界不依內十里築
堡鋪供耕牧外十里立封堠作空地詔諭邊堡如約終攻蘭州
質孤勝如二堡七年屢攻綏德城以重兵壓涇原境留五旬大
掠築壘于烟峽日以自固游師雄請自蘭州東建汝遮納迷結
珠龍三砦及置護耕七堡以固藩籬穆衍請於質孤勝如二堡
之間城柰諾平以控要害議未決秦鳳都監康謂又言彼所以
屢肆寇兵者以我勢分于提備兵未練習賞罰失當若能擇銳
結伍伺彼之動聚則先擊散則復襲使彼分而我聚以衆擊寡

可得志也詔謂諸闕下其事於諸道紹聖元年二月進馬助太
皇太后山陵三年九月大入鄜延西自順寧招安砦東自黑水
安定中自塞門龍安金明以南一百里間相繼不絕至延州北
五里誓宗聞之笑曰五十萬衆深入吾境不過十日勝不過一
二砦須去已而果退十月忽自長城馳金明列營環城國主暨
母親督桴鼓縱騎四掠而留後騎之精銳者于龍安邊將掩擊
不退遂破金明殺守兵二千八百惟五人得脫城中糧草皆盡
將官張俞死之既還留一書置漢人頸上言本國與朝廷議疆
場小有不同方行理究不意改悔却於坐圍鋪處立界本國以
恭順之故勉聽從自於境內立數堡護耕而鄜延出兵悉行
下蕩又數入界殺掠國人共憤欲取延州終以恭順止取金明
砦亦不尖正平之節延帥呂惠卿抵延密議不以正同四年

正月涇原都鈐轄王文振率諸將破沒煙峽新砦斬獲三千餘
級二月夏復以七萬衆攻綏德城三月犯麟州神堂堡鄜延將
兵戰却之又至葭蘆城為知石州張構等所擊而走四月環慶
鈐轄張存人鹽州俘斬甚衆及還夏人追襲復多亡失元符元
年十二月彗星見赦國中涇原折可適掩西壽統軍鬼名阿埋
監軍妹勒都逋獲之二年正月國母梁氏薨遣使蕭德崇來
為夏人議和復書若果出至誠深悔謝罪當徐度所宜開以自
新之路五月夏蘭會正鈐轄革瓦孃以部落來降授內殿崇班
賜以銀絹緡錢七月環州种朴微赤羊川獲賞羅訛乞家屬孳
畜戰却通騎擒監軍羅勃囉首領淚丁訛遇詔令赴闕存恤其
家遣人持信號往招訛乞三月夏人上表謝過詔省所上章能
負罪引慝諭邊臣毋相侵犯已而復出二千騎於浮圖岔來戰

供奉官陳吉差使李斌死之閏月古邈川部族叛熙河將
率兵掩擊翌日夏人馬數萬圍愍等力戰敗之擒其鈐轄鬼名
乞遇統制苗履又戰於青唐晚夏人敗績十二月遂遣今能鬼
名濟等進誓表歸其過於母黨擅權頻生邊患稚躬反正乞紹
先盟約束事條恭依處分詔報爾以凶黨造謀數于邊吏而能
悔過請命祈紹先盟念彼種人均吾赤子措之安靜乃副朕心
嘉爾自新俯從厥德自今已往歲賜仍舊誓宗崩遣使奠慰及
賀徽宗卽位復遣使賀天寧節始建國學設弟子員三百立養
賢務以廩食之崇寧三年蔡京使熙河王厚招致夏國卓羅
麻監軍仁多保忠夏乃典兵延渭慶三路各數千騎聲言賀
于遼遼嫁以成安公主四年詔西邊能招誘者毋問首從賞
新級節夫在延州乾順遣使與請皆請之又令殺牧放者

入鎮戎畧數年劫知虜州萬永年而去天攻州
者三年大觀元年始遣人修貢政和四年冬環州定遠
首領李訛哆遣夏國統軍梁哆陵書言定遠唾手可取定遠
得旁十餘城不攻而下我儲殺累歲隨所在闕地藏之大兵若
來斗糧無齎哆陵遂以萬人來迎轉運使任諒覺其謀盡發
殺至失所藏越七日訛哆遂以其部萬餘歸夏乾順築臧底河
城詔童貫為陝西經略以討之五年春遣熙河經畧劉法將步
騎十五萬出涇州秦鳳劉仲武將五萬出會州貫以中軍駐蘭
州為兩路聲援仲武至清水河築城屯守而還法與夏右廂軍
戰于古骨龍大敗之斬首三千級奏凱皆遷秩秋仲武王厚復
合涇原鄜延環慶秦鳳之師攻藏底河城敗績死者十四五秦
鳳第三將萬人全軍皆沒厚懼賂貫使匿之冬夏以數萬騎畧

蕭關而去六年春法仲武復合熙秦師十萬攻仁多泉城三日不克後援不至城中請降法受而屠之种師道以十萬衆復攻克臧底河城十一月夏大舉攻涇原靖夏城以報潛穿壕爲地道城遂陷亦屠之而去宣和元年貫又遣法使取朔方引兵至統安城遇國主弟察哥郎君率步騎爲三陣以拒前軍而別遣精騎出其後大戰移七時前軍楊惟忠後軍焦安節皆敗左軍朱定國力戰及暮兵不得食馬亦渴死法乘夜遁比明至盍朱峴守兵追之墜崖折足斬首而去是役死者十萬貫皆隱之反以捷聞察哥見法首語其下曰劉將軍前敗我於古骨龍仁多泉吾常避其鋒謂天生神將豈料今爲一小卒所困哉遂乘勝圍震武震武在山峽中熙秦兩路不能餉自築城三歲聞知異李明孟清皆爲夏人所殺察哥故留以作南朝病魂乃不救

劉仲武何確弁宣撫尚受解圍之賞不知諸路所苦夏所不爭之地而關輔乃爲之蕭條矣十月遣使賀天寧節投以誓詔不取貫迺強之及邊委棄而去賈炎得而上之貫始大沮持金滅遼天祥走陰山夏將李良輔將兵救助復遣使請臨其國天祥冊乾順爲夏國皇帝金主使完顏宗整與夏國議和若遼主至彼可令執送又使宗翰以便宜割遼下寨以北陰山以南乙室耶剌部吐祿濼之西以賜夏國天會二年乾順上誓表自今歲時朝貢一切永依臣事遼國舊禮仍與金約攻麟州以牽河東之勢欽宗卽位遣使來賀靖康元年金兵深入夏乘間由金甯河清渡河取天德雲內武州河東入館之地四月陷震威城監押朱昭死之繼而金貴人兀室以數萬騎陽爲出獵掩至天德逼逐夏人悉奪其地是歲丁未改元正德

乃建炎元年也九月金兀朮回雲中遣保靜軍節度使楊天吉約侵宋乾順許之金既奪夏地乃責償于宋令左監軍希尹以國書授通問使薄秀為夏國請熙寧以來侵地二年正月以主客員外郎謝亮為陝西撫諭兼宣諭使授從事郎何洋太學博士令持詔書往賜乾順初以賓禮見使者至是倨然見之留居數月始與約和罷兵比亮還行在夏兵已躡其後襲取定邊軍明年謀知關陝無備檄延安府言金割鄜延以隸本國須當理索敢違拒者發兵誅討之帥臣王庶檄報責以乘人之急因遣謀間其用事臣李遇夏始不出宗澤奏請北伐乞遣辨士西說夏國俾出助兵張浚亦欲通夏國為川陝之援復假亮太常卿權宣府處置司叅議官以往迄不得其要領而還四年環慶路統制慕洵叛降以為首領紹興元年同州觀察使劉

輔棄德順軍輸款于夏拒不受八月詔以夏本敵國無所與十一月川陝宣撫吳玠始遣人通書三年九月呂頤浩言宜令張浚乘金夏交惡通問以探其情是歲即律余視謀結燕雲之人以圖女直黏罕覺欲誅之父子托以遊獵遁入夏國因其兵少不納四年十二月玠奏夏國數通書有不志本朝意七年正月吳玠又奏西蕃五十八族首領趙繼忠來歸可抵西夏右臂十月為齊知同州李世輔奔投夏國詔在李顯忠傳九年夏人陷府州靈芝生於後堂高守忠家乾順作靈芝歌俾中書相王仁宗和之六月遂殂年五十七在位改元天儀治平四天祐民安八永安三貞觀十三雍寧五元德八正德八大德五尼五十四年諡曰聖文皇帝廟號崇宗墓號顯陵長子仁孝嗣金遣使冊命加開府儀同三司上柱國諸置權場許之先是金太宗

遣王阿海賜乾順誓詔以違舊儀見之阿海辭曰違與夏甥舅國也親親之禮故可坐受今大金與夏國君臣也見大國使者當如儀於是始立受焉及海陵弒熙宗遣使至境上不肯納使有司以廢立之故移文報之紹興九年十月詔還王樞及夏國之俘百九十人十一月尊曹氏為國母十二月納后附氏十一年金撤南哨再定陝西樞密慕洵與弟慕濟思歸族誅之上仁孝尊號曰制義去邪九月饑十三年三月地震逾月不止地裂泉湧出黑沙歲又大饑乃立井里以分賑之始建太學于國中親釋奠弟子員賜予有差立小學于禁中親為訓導十四年彗星見五十餘日而滅占其分在夏國十六年尊孔子為文宣帝十七年策舉人始立唱名法十八年復建內學選名儒主之增

書成賜名新律二十八年始立趙濟監書一初在李馬也

夏國在得敬統禦有功遂根夏國二十餘年陰蓄與志圖夏國誣殺宗親大臣其勢漸逼仁孝不能制乃分西南路靈州囉羅嶺地與得敬自為國封楚王三十一年立翰林院以焦景顏王僉等為學士始修實錄移置中書樞密於內門外去禁奢侈封制蕃字野利仁榮為廣惠王金亮犯四州宣撫吳球移檄合兵討之三十三年以騎兵二千至蔡園川及馬家嶺禿頭嶺將分道入攻球復使鎮戎守將秦弼諭之金兵敗乃還先是仁孝為得敬求封爵於金世宗不許得敬遣間使至四川宣撫司約共攻西蕃處老文報以蠟書七月得敬間使再至為夏人所獲八月并黨與咸伏誅淳熙十三年二月諜報故遼國大石牙林假道于夏以伐金密詔都統吳挺與制置劉正議之十三年四月復詔挺結夏國金世宗嘗謂宰臣夏國以珠玉易我

絲綿是以無用易有用也命減罷保安蘭安權賜使副往來
留都亭貿易昌宗明昌二年復舊至宋紹熙四年仁孝殂年七
十在位五十五年改元大慶四年人慶五年天盛二十一年乾
祐二十四年謚曰聖德皇帝廟號仁宗墓號壽陵長子純祐
立改元天慶母曰章憲欽慈皇后羅氏開禧二年鎮齊郡王安
全廢之自立殂年三十在位十四年謚曰昭簡皇帝廟號桓宗
陵號莊陵安全崇宗之孫越王仁友之子改元應天又改皇
建嘉定四年安全殂年四十二在位六年謚曰敬穆皇帝廟號
襄宗陵號康陵有子承禎乃立齊國忠武王彥宗子遵頊遵
頊始以策試狀元及第為大都督府主嘉定四年七月立時年
四十九改元光定金術紹王崇慶元年遣使封冊時全兵政績
會河堡遵頊乘之侵略邊境又攻保安會州固經

入攻慶源延安積石州攻武延州攻環州入安鄉關破西關
後以第五將城既而深入臨洮執宣撫副完顏劄失來夏兵亦
攻於克戎寨熟羊寨金遣慶陽總管慶山奴伐夏出環州提挈
完顏狗兒敗夏兵于阿彌灣殺其將士百餘左監軍商慶壽
復兵于寇安堡右都監賽不走夏兵于結耶嘴川又破之車宗
壘宣宗伐夏左監門陀滿胡土門延安總管汪石倫攻鹽宥夏
州知平涼府移刺答不也攻威靈安會等州興定元年夏兵三
萬自寧州還慶山奴邀擊敗之五月夏兵入大北岔都統高猪
尙掩擊敗之右都監完顏開山敗夏兵于黃鴉岔夏復圍羊狼
寨完顏狗兒遣都統來谷瑞夜斫夏營遂解其圍二年五月入
葭州慶山奴破之于馬吉峰七月犯龍谷夾谷瑞趙防敗之追
至質孤堡三年閏月夏人破通秦寨提控納合買住擊敗之四

年二月夏人犯鎮戎四月夏又犯邊元帥石蓋合喜遇夏兵于
鹿兒原以偏師敗之八月夏人陷會州刺史商世顯降又自
峯鎮圍定西刺史愛申阿失刺擊走之九月圍綏平寨安定堡
未幾陷西寧州遂攻定西烏古論長壽擊却之乃襲鞏州合喜
逆賊解去二月寧遠軍節度使夾谷海壽破夏兵于投鬼堡元
光元年正月陷大通城復取之八月攻寧安寨神林堡入質孫
堡提控唐括助敗之是歲元兵開罪夏國自天會議和入才
年金與夏未嘗兵爭及貞祐之初小有侵掠以至搆難十年
解一勝一負精銳皆盡而兩國俱敝矣遵頊迺自號上
於其子德旺改元元光定宗寶慶二年春遵頊死年六十四
三年諡曰英文皇帝廟號神宗丙戌七月德旺死年四
年廟號

元所取歷世二百五十八年國亡

元初五州多與宋同朝賀之儀雜用唐宋華樂之五音為一音裁禮之九
拜為三拜其樂之器與曲則皆唐也內外州郡二十有二河南
州有九靈洪宥銀夏石鹽南威會河西州有九典定懷永涼甘
肅瓜沙河外之州四西寧樂廓積石其地饒五穀尤宜稻麥古
渠有曰唐涼曰漢源皆支引黃河灌溉之利畜牧甲于天下土
堅腹水清冽風氣廣莫民俗強悍洵為地勢使然其民一家號
一帳男年十五為丁故壯者皆習戰鬥而得正軍為多凡正軍
給長生馬馳各一團練使以上帳一弓一箭五百刺史以下無
帳無旗鼓人各橐駝一箭三百兵三人同一幕有砲手號發喜
於橐駝鞍縱石如拳得漢人勇者為前軍號撞令郎有左右廂

五簡錄
十一監軍司左廂神勇右廂朝順石州祥祐宥州嘉寧韋州靜
塞西壽保泰卓囉和南甘肅瓜州西平黑水鎮燕白馬強
鎮黑山威福總計五十餘萬。別有擒生十萬。每有事於西。則自
東點集而西。于東。則自西點集而東。中路則東西皆集。用兵多
立虛器。設伏兵包敵。以鐵騎爲前軍。乘善馬。衣重甲。則斫不入。
用鈎索絞聯。雖死馬上不落。遇戰。則先出鐵騎突陣。陣亂然後
衝擊之。步兵挾騎以進。戰則人將居後。出戰率用隻日。避晦日。
齋糧不過旬。弓皮弦矢沙柳。發惡雨雲。書舉烟揚塵。夜篝火。
以爲候。不耻奔遁。敗後三日輒復至其處。捉人馬射之。號曰殺
鬼招魂。或縛草人埋於地。衆射而還。篤信機鬼。尚詛祝。有病不
用醫藥。召巫者送鬼。或逃他室。謂之閃病。喜報仇。有喪則不伐
人。負甲葉于背。識之。仇解。用牲血和酒貯於鬮。中飲之。誓曰

若復報仇。穀麥不收。男女禿癩。六畜死。蛇入帳。有力小不能復
者。集婦人趨之。仇家不敢敵。俗曰敵女兵不祥。輒避去。乃焚廬
舍而還。有殺人者。納命錢百二十千。訴官亦然。每出兵。則先卜
卜有四。一以艾灼羊胛骨。以求兆。謂之炙勃焦。二爇竹于地。若
撰箸。以求數。謂之撰算。三夜牽羊焚香祝之。又焚穀火布靜處。
次晨屠羊視其腸胃。通則吉。羊心有血。則不利。又以四矢擊弓。
絃聽其聲。知敵至之期。與戰之勝負。及六畜災祥。五穀凶稔。俗
皆十屋。惟有官者。得以瓦覆。然能崇尚儒術。尊孔子以帝號。文
章辭命。有可觀者。凡抗衡遼金宋三國。備鄉無常。視三國勢之
強弱。以爲異同焉。



